



# ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

1 ՆՈՅՄԵՐԻ  
2022 թ.  
№ 15 (1094)

Թերթի առաջին համարը լույս է տեսել 1965 թ. մարտի 11-ին  
Երկշաբաթաբեր • Իրատարական 57-րդ տարի

ԽԱՉԱՏՈՒ ԱՐԿԹԱՆԻ ԱՆՎԱՆ ՀԱՅԿԱԿԱՆ ԴԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ԴԱՇՏՈՒԱԹԻՐ

## Հայկական պետական մանկավարժական համալսարանը հիմնադրվել է 1922 թվականի նոյեմբերի 7-ին

Որքա՞ն եռանդ էր պետք, որքա՞ն համոզվածություն, որպեսզի չեղած տեղում ստեղծվեր հայկական պետական մանկավարժական ինստիտուտ: Չկային դասախոսներ, չկային նույնիսկ բավականաչափ ուսանողներ: Եվ համբերատարությամբ պետք էր հավաքել և սրանց, և՛ նրանց: Կար սակայն նոր հասարակարգ՝ նոր ու շողջողուն ապագայով, կար հավատ դեպի ծաղկող գալիքը, կար դժվարությունները հաղթահարելու կամք... Եկավ օրը, և եղան դասախոսներ ու ուսանողներ, եղան գրքեր, դասագրքեր: Կրթօջախն իր վրա առավ մեծ լուսավորիչ և Արվյանի անունը, գործեց արվյանավարի և ծառայեց մեր ժողովրդին՝ իբրև ուսուցչական կադրերի մեծ դարբնոց:

Արարատ ՂԱՐԻՔՅԱՆ  
ՀՄՄՀ ԳԱ ակադեմիկոս



### Ժաննա ԱՆԴՐԵԱՍՅԱՆ ԿԳՄՍ նախարարի տեղակալ, ՀԴՄԸ Հոգաբարձուների խորհրդի նախագահ

Համալսարանը հիմնադրվել է մեր ժողովրդի համար բախտորոշ ժամանակահատվածում, երբ ավելի քան թարմ էին Հայոց եղեռնի հետևանքները՝ բազմաթիվ զոհվածներով, որբերով, սոցիալական խնդիրներով, ակներևաբար զգացվում էին առաջին աշխարհամարտի, պատերազմի, հեղաշրջման և խորհրդայնացման հետցնցումները:



Համալսարանը դասերն սկսել է Ամիրյան փողոցի վրա այսօր էլ կանգուն Հռիփսիմյան օրիորդաց գիմնազիայի շենքում՝ Արշավիր Շավարշյանի առաջնորդությամբ, որ Եմայի ու Լայպցիգի համալսարաններում մանկավարժություն և հոգեբանություն ուսումնասիրելուց հետո վերադարձել է, զբաղվել ուսուցչությամբ՝ կարիքի դեպքում ուսուցչությունը համադրելով գիմնազիայի գործին՝ դասերից ազատ ժամանակ գիմնազիայի վերջին Զորավար Անդրանիկի կամավորների գնդին:

Այդ դրվագին նվիրված պատուհի վերջում Անդրանիկը դիմում է Շավարշյանին՝ ասելով. «Այսուհետև մեր ճանապարհները տարբեր ուղղությամբ են ընթանալու: Դու, այսուհետև, գրիչը ձեռքդ առ դեպի դպրոց գնա՝ գիտություն ուսուցանելու մեր երիտասարդներին, իսկ ես զենքս ձեռքս մեր ժողովրդի կյանքը պաշտպանեմ»:

Շավարշյանն այնուհետ մշակվում է Երևանի մահաճիտ տարրական դպրոցների շրջանային տեսուչ, զբաղվում գյուղական վայրերում դպրոցների բացման ու վերաբացման հարցերով, տեսնում մանկավարժների խիստ պահանջը և ձեռնամուխ լինում մանկավարժական կադրերի պատրաստմանը՝ գիտակցելով դրա անհրաժեշտությունը:

Այսօր մանկավարժական համալսարանի հարյուրամյակը մշում ենք մեր երկրի համար ոչ պակաս բախտորոշ ժամանակահատվածում, երբ կրկին ամրապնդվում է հանրային այն գիտակցությունը, որ կրթությունը կարող է և պետք է լինի մեր առջև կանգնած մարտահրավերների լուծման բանալին: Այստեղ մանկավարժական համալսարանն ունի վճռորոշ առաքելություն՝ պատրաստել կրթության ոլորտի այն մասնագետներին, այն ուսուցիչներին, որոնք ի գործ են փոփոխվող և բարդ աշխարհում առաջնորդել մեր երեխաներին և նրանց սովորեցնել ամենակարևոր հմտությունը՝ սովորեցնել սովորելու կարողությունը: Այդ խնդրի լուծման համար մանկավարժական համալսարանն ինքը վերափոխման կարիք ունի՝ դառնալու կրթության համալսարան, որտեղ հասանելի են մասնագիտական կրթության ծրագրեր կրթական տեխնոլոգիաների, կառավարման, գնահատման, թեստաբանության, կրթության ոլորտի հետազոտությունների, զարգացման հոգեբանության և բազմաթիվ այլ ուղղություններով, առանց որոնց անհնար է կրթական համակարգի արդիականացումը, որտեղ պատրաստվում են ուսուցչի մասնագիտական չափանիշներին և հանրակրթության նոր չափորոշիչներին համապատասխան ուսուցիչներ, աջակցող մասնագետներ: Մանկավարժական համալսարանը պետք է դառնա ուսումնական հաստատությունների այսօրվա աշխատակիցների խորհրդատու ու աջակիցը՝ շարունակական կրթության, մենթորական ծրագրերի միջոցով, աջակցի ոլորտում քաղաքականության մշակմանը՝ նորարար առաջարկներ, մեթոդաբանական լուծումներ ներկայացնելով:

Այս խնդիրները լուծելու համար մանկավարժական համալսարանը կարիք ունի պետական և հանրային հատուկ հոգաժուրթյան և աջակցության, որը, գումարվելով բուհի փորձառության ու ավանդույթներին, կդառնա վարվալ ավելի օրվա գրավականը:

Արդ, բացեմք մանկավարժական համալսարանի նոր հարյուրամյակի առաջին էջը՝ սեփական պատմության ու առավելությունների իմացությամբ, խնդիրների սթափ գիտակցությամբ և առաջ գնալու հստակ պատրաստակամությամբ:

### Հայաստանի Հանրապետության նախագահ Վահագն ԽԱՉԱՏՐՅԱՆԻ չնորհավորական ուղերձը Հայկական պետական մանկավարժական համալսարանի հիմնադրման 100-ամյակի առթիվ



Հարգելի տիկին Գևորգյան

Շնորհավորում եմ Ձեզ, Հայկական պետական մանկավարժական համալսարանի պրոֆեսորադասախոսական կազմին, ուսանողներին և շրջանավարտներին՝ համալսարանի հիմնադրման 100-ամյակի կապակցությամբ:

Մանկավարժական համալսարանն իր 100-ամյա կայացման ու զարգացման ընթացքում առերեսվել է բազում դժվարությունների հետև և, իհարկե, գրանցել մշակակալի հաջողություններ և այս ճանապարհին հավատարիմ է մնացել իր հիմնարար առաքելությանը՝ կրթել ու պատրաստել ուսուցիչներին:

Անհնար է գերազանհատել պատասխանատվության այն չափաբաժինը, որն ունեն մանկավարժական համալսարանն ու նրա շրջանավարտները մեր պետության ու սերունդների առաջ:

Հայաստանի անկախության հռչակումից հետո մանկավարժական համալսարանը կանգնեց նոր խնդրի և նոր մարտահրավերի առաջ՝ գտնել բարեփոխվելու, զարգացման նոր փուլ մտնելու ճյուղերը և ներուժ, որպեսզի իր հնարավորությունների սահմանում նպաստի և աջակցի անկախ հանրապետության քաղաքացիների գիտակցության և արժեհամակարգի ձևավորման նվիրական գործին:

Այսօր վստահաբար կարող ենք մշել, որ համալսարանը պատվով է իրագործում իր առաքելությունը: Մինևույն ժամանակ կրթությունը շարունակաբար բարեփոխվող շարժում է, որը չի կարող կանգ առնել և ներկայումս էլ մանկավարժական համալսարանը պետք է իր բոլոր ջանքերը ի մի բերի հեթոթական մարտահրավերների հաղթահարման համար:

Վստահ եմ, որ Հայկական պետական մանկավարժական համալսարանը ի գործ է արժանվում արժանազան ժամանակի պահանջներին, իր մեջ գտնել բարեփոխվելու այն ներուժը, կամքն ու զաղափարը, որը կերաշխավորի համալսարանի անխափան զարգացումը, որովհետև համալսարանները կան կրթական որևէ հաստատություն, դրանք չենքեր ու կառույցները չեն, այլ միտքը, արժեքները, բովանդակությունը, գիտելիքն ու այդ գիտելիքը փոխանցելու հմտությունը:

## ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԸ 100 ՏԱՐԵԿԱՆ Է

Նոյեմբերի 7-ին լրանում է հաջատու Արվյանի անվան հայկական պետական մանկավարժական համալսարանի հիմնադրման 100 տարին: Յուրաքանչյուր հոբելյան իր խորհուրդն ունի: Սա տարեգրություն է, որի մեջ Մաշտոցի գրերի լույսը կա, Նարեկացու հոգու մրմունջը, Արվյանի հոգևոր հավատն ու մտքի պայծառությունը: Տարեգրություն, որի էջերն այսօր թերթում ենք ակնածանքով:

Մանկավարժական համալսարանը 100 տարի ուղեկցել է սերունդների հարափոփոխ երթին՝ կրթել ու դաստիարակել երիտասարդներին, նրանց մեջ ձևավորել ազգային հոգեկերտվածք ու նվիրում ուսուցչի առաքելության հանդեպ:

Կրթության հանդեպ սերն ու ձգտումը դարեր ի վեր բնորոշել է հայ մարդուն, նրա տեսակը ճանաչելի դարձրել աշխարհին: 100-ամյա Մանկավարժականը հայ ժողովրդի պատմության մի մասնիկն է, մտավորականների տարբեր սերունդների պատմություն՝ ուսյալ և ուսուցանող, խոսում ու խորհրդավոր, երևելի ու երևակայության սահմանները իրականությանը մոտեցնող... Այդ պատմության մեջ մանկավարժ գիտնականների՝ տարիների տքնանք կա և գիտության ու կրթության հանդեպ ջանադիր ձգտումի անխափան երթ:

Ցավոք, այդ պատմության մեջ մաս նորոյր պատերազմում մահատակված մեր ուսանողների ու շրջանավարտների կորստի ցավն է, հերոսների, որոնք իրենց կյանքը նվիրեցին Հայրենիքին:

Սեր ուսանողն ապագա ուսուցիչն է, որ կրթելու է ապագա ինժեներին ու շինարարին, բժշկին ու հողագործին, բարձր տեխնոլոգիաների մասնագետին... 21-րդ դարը մարտահրավերների ժամանակաշրջան է, երբ ուսուցչի կերպարն ինչ-որ չափով խաթարվել է արժեքների փոփոխման պտույտի մեջ, սակայն ունենք ուսուցչի առաքելության գիտակցումով աշխատող նվիրյալների մի մեծ բանակ, որի զենքը հայրենասեր սերունդ դաստիարակելու գաղափարախոսությունն է, հայ երեխայի մեջ գիտելիքների ձեռքբերման հանդեպ ցանկությունների սերմանումը, որովհետև կրթությունը հայ մարդու ապրելու կերպն է, նրա արարող մտքի հարատև ընթացքը:

Հոբելյանի առթիվ շնորհավորում ենք սերնդակրթության իրաշալի ավանդույթներ ունեցող Մանկավարժական համալսարանի հին ու նոր սերունդներին, շրջանավարտներին, դասախոսներին և ուսանողներին, բոլոր նրանց, ում համար հարագատ ու թանկ է այս բարձրագույն կրթական հաստատությունը:

Մաղթում ենք բոլորին սեր, համերաշխություն և պատվախնդիր կեցվածք իրենց լուսավոր առաքելության հանդեպ:



**- Տիկին Գևորգյան, ներկա բարդ, մարտահրավերներով լի ժամանակաշրջանում Դուք ընտրվեցիք, թույլ տվեք ասել՝ խիզախեցիք ստանձնել խաչատուր Աբովյանի անվան հայկական պետական մանկավարժական համալսարանի ռեկտորի պաշտոնը...**

**Համալսարանն ավելի լավ դարձնելու մտայնությամբ թերևս. չէ՞ որ Դուք այս բուհի շրջանավարտն եք, այս բուհի հետ է կապված Ձեր աշխատանքային կենսագրությունը, այդ թվում՝ նաև գիտական առաջընթացը:**

Այո, այնպես ստացվեց, որ բուհի 100-ամյակի նախաշնչին ես ստանձնեցի ռեկտորի պարտականությունները և պետք է ընդգծեմ՝ շատ մեծ պատասխանատվությամբ և խոր ակնածանքով դեպի բոլոր տարիներին բուհի գործունեության մեջ ներդրում ունեցած և՛ ռեկտորները, և՛ նվիրյալները, և բոլոր այն հսկաները, որոնք պայմանավորել են Մանկավարժական համալսարանի զարգացումը 100 տարի:

Երբ փորձում ենք պատկերացնել՝ կրթության և գիտության ոլորտի ինչ ներուժի մասին է խոսքը գնում՝ մանկավարժու-

նության և սոցիոլոգիայի ֆակուլտետը թե՛ հանրապետությունում, թե՛ միջազգային հարթակներում պատիվ է բերել համալսարանին:

Հպարտությամբ պիտի նշեմ Պատմության և հասարակագիտության և Բանասիրական ֆակուլտետները, որտեղ աշխատել են և աշխատում են բազմաթիվ անվանի դասախոսներ, որոնց՝ կրթական զարգացումներին



ված լինելը... Երբ հասկանում են, որ խոսում են ոչ թե իրարային վիճակից ելնելով, այլ խնդիր պայմանավորված է ոլորտի զարգացման խորը մտահոգությամբ՝ դա որոշակիորեն հնարավորություն է տալիս աջակիցներ ունենալ:

**- Աշխատանքային գործընթացում ձիշտ դեկավարելու, երբեմն էլ ստեղծված անելանելի իրավիճակներում հնարավոր**

## «Դա նվիրյալների մասնագիտությունն է, և այս մարդկանց և՛ արժեհամակարգը, և՛ առաքելությունը, և՛ մասնագիտական կարողությունները հատուկ վերաբերմունքի են արժանի»,- ասում է Սրբուհի Գևորգյանը

յան և մանկավարժության դասավանդման մեթոդիկան, արվեստի բնագավառը, ուսուցչական կրթական գործընթացի հոգեբանական առանձին գործընթացները ուղեկցող կառավարումը... Ավելացնեմ Հատուկ կրթության ֆակուլտետը, որովհետև տարիների ընթացքում համալսարանը զարգացումներ է ապրել՝ նոր մասնագիտությունների ներդրումով:

Պետք է ասել, որ 100 տարվա ընթացքում համալսարանը հաջողել է իր առաքելության մեջ՝ ուսուցչական համակարգի օրեցօր բարելավվող գործընթացների որակական հենքով: Եվ մեկ անգամ պետք է ընդգծեմ այն խոր ակնածանքը, որը տաժում են նախորդ բոլոր կազմակերպիչ-կառավարիչ ռեկտորների գործունեության, բոլոր այն ընտրյալների, ակնավոր մասնագետների հանդեպ, որոնց ներդրումով է պայմանավորված այսօրվա Մանկավարժական զարգացումն ու ձեռքբերումները, բոլոր այն ուսանողների, որոնք տարբեր տարիների իրենց մասնագիտական նկրտումները կապել են մանկավարժական համալսարանի հետ, որի արդյունքում մենք ունենք ուսուցիչների հսկայական բանակ:

**- Ո՞րն է Մանկավարժական համալսարանի Ձեր տեսլականը. հնարավոր և անհնար քայլերի, որոշումների համատեքստում ի՞նչ էական փոփոխություններ կապասել:**

Ես կխոսեմ միայն ակնառու գործընթացների և ձեռքբերումների մասին: Ուզում եմ ընդգծել մեր 10 ֆակուլտետների, մասնավորապես Հատուկ կրթության ֆակուլտետի գործունեությունը ու ձեռքբերումները, միջազգային փորձը Միջնատարի համալսարանի հետ: Հենց այդ գործընկերների օգնությամբ է պայմանավորված մեր դասագրքաստեղծ գործունեությունը, որը նաև խոսում է մեր համարժեք որակի ու գործունեության, միջազգային հարթակներում ներդրում ունենալու, լրագրողների, էրգոթերապևտների, հատուկ մանկավարժների գործունեության մասին՝ կապված ներառականության ռազմավարության հետ: Այդ ասպարեզում մենք մեծ ձեռքբերումներ ունենք:

Պետք է հատուկ նշեմ Կրթության հոգեբանության և սոցիոլոգիայի ֆակուլտետի գործունեությունը, նաև որպես իմ համար հարազատ ֆակուլտետ, և այն նվիրումը, որը ցուցաբերում են պրոֆեսորադասախոսական անձնակազմը, նաև ուսանողները, հատկապես ճգնաժամային պահերին, ինչի վկայությունը հենց 2020 թվականի ողբերգական իրադարձությունների ընթացքում կատարված աշխատանքն է՝ մեր գիմնադրերին, ռազմական ստորաբաժանումներին, զավակներ կորցրած ընտանիքներին, տեղահանված ընտանիքներին ցուցաբերած հոգեբանական աջակցությունը:

Որպես համալսարանի ամենահին ֆակուլտետներից մեկը՝ Կրթության հոգեբա-

նության և սոցիոլոգիայի ֆակուլտետը հնչեղություն ունեն զարգացումների նոր համատեքստում:

Ցավով պետք է նշեմ, որ բնագիտական ոլորտի ուսուցիչների թիվը վերջին տարիներին մեծապես նվազել է: Մեր ներկայացմամբ և լիազոր մարմնի ջանքերի շնորհիվ կառավարության հաստատմանը ներկայացվել են երկակի որակավորումների մասնագիտություններ, ինչը հնարավորություն է կտեղծի սահմանային, գյուղական վայրերում և որտեղ բնագիտական մասնագիտությունների կարիքը կա, ուսուցիչը երկու առարկա դասավանդի: Դա կոնկրետ առավելություն է, ինչպես և առավելություն է բնագիտական առարկաների ուսուցիչներին հավելվածարներ տալը՝ 50-100 հազար դրամի չափով: Դա ինչ-որ չափով աջակցություն կլինի սովորող ուսանողի համար՝ կրթության կարիքները հոգալու և սոցիալական մարտահրավերներին պատրաստ լինելու առումով:

Առաջիկայում հանդես կգանք բնագիտության ոլորտի ևս մի շարք առաջարկություններով: Լիսիոյս եմ՝ այն հմայքը, որ մեր ֆիզիկայի և մաթեմատիկայի մասնագետները ունենում են, վերադառնալու է դպրոց՝ նոր շքեղությամբ:

Խոսելով արվեստի բնագավառի մասին՝ պետք է ասել, որ դա մշտապես հատուկ հպարտություն է եղել Մանկավարժական համալսարանի համար՝ մշակույթի ոլորտի անվանի գործիչները, հայ կինոյի հսկաները բուհում ստեղծել են ստեղծագործական յուրահատուկ միջավայր ուսանողների համար:

Թույլ տվեք ապագայի մասին չխոսել. կան որոշակի նպատակներ և երազանքներ, որոնց մասին կխոսեմք արդեն իրականացնելուց հետո:

**- Հե՛տ է արդյոք լինել Մանկավարժական համալսարանի ռեկտոր. պրոֆեսորադասախոսական ներուժի և աշխատանքային անձնակազմի հետ հարաբերություններում ի՞նչն է Ձեզ օգնում կամ խանգարում:**

Առաջնորդել պրոֆեսորադասախոսական անձնակազմի, մտավորականների, գիտնականների այնպիսի բանակ, ինչպիսին մեր համալսարանին է, բավականաչափ ծանր է ու բարդ, որովհետև նրանցից յուրաքանչյուրն անհատականություն է՝ իր կարողություններով, ներազդման դաշտով, մասնագիտական ոլորտում իր ձեռքբերումներով ու նկրտումներով, սոցիալական ձեռագրաբանությամբ իր տեսակով, և բնականաբար, իրենք էլ մշտապես շատ որոշակի վերաբերմունք ունեն այն անձանց նկատմամբ, որոնք պաշտոնապես առաջնորդում են իրենց: Այդ մարդկանց հետ աշխատելու իմ հաջողության գրավականն այս բուհում երկուստեղ տարիներ՝ 38 տարի, աշխատելու փաստն է, նրանց ճանաչելու, համալսարանի պատմության մեջ նրանց ձեռքբերումներն իմանալու փաստը, նաև բացթողումների մասին իրագե-

սպտիմալ լուծումներ գտնելու հարցում որքանո՞վ է Ձեզ օգնում կամ ուղղորդում սոցիալական հոգեբանի Ձեր մասնագիտությունը:

Կարելի է ասել, իմ բոլոր ձեռքբերումները սուբյեկտ-սուբյեկտային փոխներգործության շրջանակներում պայմանավորված են հենց սոցիալական հոգեբանության ոլորտում գիտելիքների ու կարողությունների ձեռքբերումներով: Սոցիալական հոգեբանությունը մեր կենսակերպն է՝ այն բոլոր սոցիալական և բազմաբնույթ կապերի մեկնաբանման հնարավորությամբ, որը շրջապատում է մեզ: Եթե հաշվի առնենք, որ սոցիալական հոգեբանության ուսումնասիրման օբյեկտը խումբ-անհատ փոխազդեցությունների շրջանակն է, ուստի ստացվում է, որ դիրքորոշումների, արժեքաբանության, սոցիալական փոխազդեցությունների շրջանակը, որը պայմանավորում է անձ-խումբ-հասարակություն միջնորդավորված կապերը, այն տիրույթն է, որտեղ մենք արձանագրում ենք մեր կարողությունները: Եվ ես շնորհակալ եմ այդ ոլորտին բոլոր այն ձեռքբերումների համար, որոնք կենսական առումով վավերացվում են հենց պրակտիկայի ընթացքում:

**- Ուսուցչի մասնագիտական որակավորման գործընթացում ըստ Ձեզ որո՞նք են այն տեսանելի քայլերը, որ կարող են հիմնովին փոխել հասարակության վերաբերմունքը ուսուցչի նկարագրի հանդեպ: Ուրիշ ինչո՞վ եք պայմանավորվում ուսուցչի կերպարի վերաբերմունքում:**

Դարեր շարունակ ուսուցիչը եղել է իմացական պահանջմունքի բավարարման միակ աղբյուրը, բոլոր ժամանակներում անվերապահորեն վայելել է հարգանք և հատուկ ակնածանք հասարակության կողմից: Դարը փոխվեց, և կրթական համակարգը գերծ չնմաց ժամանակակից տեխնոլոգիաների ազդեցությունից: Այսօր համացանցը, հզոր տեղեկատվական կրիչները մասնագիտական դաշտում ուսուցչի հիմնական մրցակիցներն են, և վերջինս դադարել է իմացական պահանջմունքի բավարարման միակ օբյեկտը լինել: Եթե նայենք սոցիալական տեսանկյունից՝ ցավոք պիտի նշենք, որ ուսուցիչը երբեք չի եղել ամենաբարձր վարձատրվող մասնագետների շարքում, և դա է միզուցե հասարակության և երիտասարդների վերաբերմունքի հիմքը: Ժամային ծանրաբեռնվածությունն էլ նպաստեց նրան, որ ուսուցիչը չէր կրող որակական առումով բավարարել հասարակական սպասումները: Այսպիսով ուսուցիչն ավելի շատ հայտնվեց քննադատության դաշտում, մասնագիտության գրավչության խթանի բացակայությամբ:

Երբ մենք խոսում ենք ֆինանսական և սկանդինավյան երկրների կրթության փորձի և ուսուցչի կարգավիճակի մասին, պետք է հաշվի առնենք սոցիալական այն երաշխիքները, որ նրանց պետությունը տալիս է ուսուցչին, իհարկե, խիստ չափանիշներով

պայմանավորելով այդ զարգացումը:

Իհարկե, պետք է ասել՝ այն քայլերը, որ այսօր նախաձեռնվում են կանավոր ատեստացիայի հետ կապված, կարևոր են ուսուցչի աշխատավարձի բարձրացման տեսանկյունից: Բայց կարծում եմ նախ պետք է կարևորել ուսուցչի մասնագիտական կարողության և հասարակության մեջ նրա իմիջի ձևավորման ամիրաժեշտությունը: Այնուամենայնիվ փաստ է, որ մեր կյանքում առկա են տեղեկատվական տեխնոլոգիաները, սակայն ոչ մի տեխնոլոգիա չի կարող երբևիցե փոխարինել մարդուն: Որովհետև հոգեբանամանկավարժական տիրույթի բաղադրիչների իմացությունը, հոգեֆիզիոլոգիական օրինաչափությունները, կարողությունների հմուտ տիրապետումը բավականաչափ բարդ խնդիրներ են, և այսօր ուսուցչին ներկայացվում են իրապես շատ բարձր չափանիշներ ու պահանջներ: Այնուամենայնիվ, դա նվիրյալների մասնագիտությունն է, և ես գտնում եմ, որ սոցիալական երաշխիքները պետք է էլ ավելի շատ լինեն, որովհետև այս մարդկանց և՛ արժեհամակարգը, և՛ առաքելությունը, և՛ մասնագիտական կարողությունները հատուկ վերաբերմունքի են արժանի:

**- Ձեր բազմազբաղ աշխատանքը չի՞ խլում արդյոք ընտանիքի հետ ավելի շատ շփվելու ժամանակից: Ո՞րն է կնոջ երջանկության Ձեր բանաձևը:**

Խլում է: Անկեղծ չեմ լինի, եթե ասեմ, որ բացարձակապես հասցում եմ տանը որպես մայր, կին իմ պարտականությունները լիարժեք կատարել: Այս պատասխանատվության տիրույթը ոչ միայն մասնագիտական, այլև հոգեբանական ներուժ է պահանջում: Այդ առումով եմ ընտանիքում բացթողումներ ունենում եմ, բայց պետք է հավելեմ, որ տանը ըմբռնումով եմ մոտենում, որովհետև գիտակցում եմ, որ իմ պատասխանատվության տիրույթը ենթադրում է բազմաբովանդակ գործունեություն, և միշտ չէ, որ բավարար ժամանակ է մնում կարողանալու ըմբռնել ընտանեկան այն հարմարավետ միջավայրը, որին յուրաքանչյուրս ձգտում ենք:

Որպես սոցիալական հոգեբան ես գիտեմ, որ մարդը երբեք չի կարող ամբողջությամբ բավարարված լինել, որովհետև պահանջմունքներն ունեն վերարտադրվելու կարողություն: Մեզ մոտ միշտ այնպիսի տպավորություն է, թե կյանքի լավագույն շրջանը դեռ լինելու է: Բայց որպես հոգեբան պետք է ասեմ, որ լավագույն շրջանը հենց այսօր է, ուստի յուրաքանչյուրը պետք է զննատի այն ամենը, ինչը օրվա ընթացքում կյանքը իրեն հրամցում է:

**- Ձեզ բախտ է վիճակվել լինել Մանկավարժական համալսարանի ռեկտորն այն ժամանակահատվածում, երբ բուհը նշում է իր հիմնադրման 100-ամյակը: Համալսարանի հոբելյանի շեմին ի՞նչ զգացողություններ ունեք, նաև՝ ցանկություններ ու երազանքներ: Ինչպիսի՞ն կուզե՞նայիք տեսնել 100-ամյա համալսարանի ապագան:**

Զգացումների խռովք է ինձ մոտ, մի յուրօրինակ սպասումով եմ համակվում՝ որքան մոտենում է համալսարանի հիմնադրման օրը: Համալսարանի յուրաքանչյուր երկարամյա աշխատող, կարծում եմ, կիսում է այդ զգացողությունը: Եվ դժվարանում եմ նկարագրել՝ ինչպիսին եմ տեսնում մյուս հարյուրամյակի մեր Մանկավարժականը, որովհետև սա առաջնորդ և առաջընթաց ապրող բուհ է, որին ցանկանում եմ խաղաղ երկնքի ներքո զարգացման նոր ընթացք:

**- ՀՊՄԳ պաշտոնաթերթի միջոցով ի՞նչ կմաղթեք մեր համալսարանի դասախոսներին և ուսանողներին, շրջանավարտներին, բուհի բոլոր աշխատողներին, հայ ուսուցչին:**

Ներքին խաղաղություն, որը խարխվել է յուրաքանչյուրիս մոտ վերջին շրջանում: Ես ուզում եմ, որ մենք վերագտնենք մեր հոգեկան հավասարակշռությունը, հոգու ներդաշնակությունը, որը պայմանավորված է արտաքին անվտանգության ապահովմամբ: Կարծում եմ, որ ներքին խաղաղության վերագտնումը մեզ հնարավորություն կտա նորովի շարունակել մեր արվայանական առաքելությունը:

Հարցազրույցը՝ Սիլվա ԱՄՐՅԱՆԻ



### Տարեգրության էջերից

(«Մանկավարժական համալսարան» թերթում բուհի 90-ամյակի հարցազրույցներից)



#### Եղուարդ Մուշեղի ՂԱԶԱՐՅԱՆ

ՀԴՄՀ 1987-1989 թթ. ռեկտոր, Ֆիզմաթ գիտությունների դոկտոր, պրոֆեսոր, ՀՀ ԳԱԱ ակադեմիկոս

#### Մանկավարժի մասնագիտությունը պետք է կրկին արժևորվի

Ուսուցչի գործառույթներն այսօր շատ են փոխվել. 20-30 տարի առաջ աշակերտի գիտելիքի միակ աղբյուրը մանկավարժն էր, հիմա իրավիճակն այլ է. նա պետք է լինի ճարտարապետ-մեթոդաբան, աշակերտին կարողանա ուղղորդել սովորել, գիտելիք ձեռք բերել, նա պետք է սովորի սովորեցնել:

Ժամանակակից ուսուցիչը պետք է լինի անթերի մասնագետ, կիրառի ուսուցման տարաբնույթ մեթոդներ, անկախ մասնագիտությունից կատարյալ տիրապետի մայրենիին, աշակերտի մեջ կերտի ազգային բնավորություն:

Այսօրվա երիտասարդներն ընտրում են տնտեսագետի, իրավաբանի, վատագույն դեպքում՝ լեզվաբանի մասնագիտությունը:

Օտտո Բիսմարկն ասում էր՝ ավստրոպրուսական պատերազմում հաղթեց ուսուցիչը, նույնը եղավ նաև Լեռնային Ղարաբաղի առաջին պատերազմում: Այդ ժամանակ մանկավարժը, գիտնականը հեղինակություններ էին: Ցանկանում են, որ Մանկավարժականը կրկին գրավիչ դարձնի այդ մասնագիտությունը և վերադարձնի դրա իրական արժեքները:

Մանկավարժականը միշտ էլ կարևորվել է մեր ժողովրդի կյանքում: Բուհն ուսուցչական կադրեր պատրաստող դարբնոց է, որն ունի մեծ առաքելություն կրթական ամբողջ համակարգում. այն պետք է ժամանակակից դպրոցն ապահովի բարձր որակավորմամբ ուսուցիչներով:



#### Գևորգ Երվանդի ԲԱՂԴԱՍԱՐՅԱՆ

ՀԴՄՀ ռեկտոր 1994-1999թթ., Ֆիզմաթ գիտությունների դոկտոր, պրոֆեսոր, ՀՀ ԳԱԱ ակադեմիկոս

#### Մանկավարժական համալսարանն այն բուհն է, որին պետք է նվիրվեն

Գիտության և կրթության կառավարման միջազգային բոլոր փորձերի արդյունքում պետք է լինի՝ ինչ սովորեցնել երեխային: Աշակերտը, գնալով դպրոց, պետք է մտածի միայն սովորելու մասին:

Իմ ռեկտորության տարիներին բուհի մեկ հոբելյան մշտել ենք: Ուսանողներից սկսած մինչև դասախոսներ պետք է հպարտանան, որ սովորում ու աշխատում են այս բուհում, որովհետև այս բուհն ունի մեկ առաքելություն, որը բուհի ռազմավարության, մեր ժողովրդի պահպանման ու գոյատևման հիմքն է: Հետևաբար նրանց համար պարծանք պետք է լինի և հպարտություն: Մանկավարժական համալսարանն այն բուհն է, որին պետք է նվիրվեն, նրանով հպարտանան և աշխատեն, որ որ այստեղից դուրս եկողները նույն զգացողությունն ունենան:

1948 թվականին Խաչատուր Աբովյանի 100-ամյա տարելիցի կապակցությամբ, Մանկավարժական ինստիտուտը կոչվեց հայ ակադեմիկոս գրող, մանկավարժ, մեծ լուսավորիչ, աշխարհաբարի հիմնադիր Խաչատուր Աբովյանի անունով:



1972 թվականին, 50-ամյակի առթիվ, Խաչատուր Աբովյանի անվան հայկական պետական մանկավարժական ինստիտուտը ՍՍՀՄ Գերագույն խորհրդի կողմից պարգևատրվել է Աշխատանքային կարմիր դրոշի շքանշանով՝ «Ուսուցչական կադրերի պատրաստման և մանկավարժական գիտության զարգացման գործում չեռք բերած մեծ հաջողությունների համար»:



#### Միշտ երազել են մեր հայրենիքի մասին

Հեռու Տրանսիլվանիայի (այժմ Ռումինիա) Հայաքաղաքում (Armeno-polis, այժմ Գեռլա), հունգարահայ ընտանիքում ծնվելով և մեծանալով միշտ երազել են մեր հայրենիքի մասին, բայց այցելելու հնարավորություն չեն ունեցել: Այդ հնարավորությունն ունեցա 2009 թվականին և ընդունվեցի Խաչատուր Աբովյանի անվան հայկական պետական մանկավարժական համալսարանի Կուլտուրայի ֆակուլտետի Գրադարանագիտության և մատենագիտության բաժին: Ես դարձա ուսանող և մինչև այժմ էլ սիրով եմ հիշում այն ջերմ վերաբերմունքը, որով ինձ ընդունեցին համալսարանում: Հայրենիք տեղափոխվելու ժամանակ դեռ չէի տիրապետում մեր չքնաղ մայրենի լեզվին, բայց նա՞ ջուջաբերված աջակցության շնորհիվ ես դժվարությունների չհանդիպեցի: Ուսման տարիների ընթացքում արդեն սկսել եմ աշխատել Երևանի Մեսրոպ Մաշտոցի անվան Մատենադարանում, հին ձեռագրերի պահպանման և ուսումնասիրման կենտրոնի արխիվային բաժնում, և մինչև հիմա շարունակում եմ այնտեղ աշխատել:

Մանկավարժական համալսարանում եմ ստացել նաև մագիստրոսի աստիճանը՝ սովորելով Բանասիրական ֆակուլտետի Հայոց լեզվի և գրականության ամբիոնում: Ընդհանրապես եմ այստեղ ձեռք բերած գիտելիքների համար: Ընդհանրապես եմ սիրելի համալսարանի հոբելյանը՝ մաղթելով նրան նոր զարգացումներ և առաջընթաց:

Լալա Բորբեյի

## Հոգեբանական մտքի զարգացման դարբնոցը

1948-1949 ուսումնական տարում Մանկավարժականում հիմնադրվել է հոգեբանության-տրամաբանության ֆակուլտետը: Պետք է ընդգծել, որ 1957 թվականին ինստիտուտին կից ստեղծված հոգեբանության պրոբլեմային լաբորատորիան հոգեբանական մտքի հետազոտության և կարևորագույն գործունեություն էր:

Տարիներ շարունակ ֆակուլտետը, Հոգեբանության ամբիոնը և լաբորատորիան եղել են հայ հոգեբանական մտքի զարգացման դարբնոց: Հոգեբանական գիտությունների դոկտոր պրոֆեսոր, ԽՍՀՄ ՄԳԱ ակադեմիկոս, ՀԽՍՀ գիտությունների վաստակավոր գործիչ Մկրտիչ Մազմանյանի գլխավորությամբ լաբորատորիայում հետազոտվել և մշակվել են աշխատանքային ու դպրոցական հոգեբանության հիմնախնդիրները:

Մ. Մազմանյանը զբաղվել է ստեղծագործության հոգեբանությամբ, մասնավորապես ստեղծագործական պրոցեսում անգիտակցականի ունեցած նշանակության, հոգեբանության պատմության և տեսության հարցերով, Գուրգեն Էդիսյանն առաջին մանկավարժ հոգեբանն է, ով Հայաստանում դրեց հոգեբանական գիտական մտքի էքսպերիմենտալ ուսումնասիրությունների հիմքերը:

Պրոբլեմային լաբորատորիայում իրենց բեղմնավոր գործունեությունն են ծավալել հոգեբանական գիտությունների դոկտոր, պրոֆեսորներ Էմմա Ալեքսանդրյանը, Սերգեյ Արզումանյանը, Վլադիմիր Կարապետյանը, հոգեբանական գիտությունների թեկնածու, դոցենտներ Մուշեղ Երիցյանը, Սուսաննա Փիլոսյանը, Ռուբեն Պողոսյանը, Արծվիկ Զաքարյանը, Հռիփսիմե Ղաջոյանը. Վարա Սանթրոսյանը, Հասմիկ Պետրոսյանը, մանկավարժական գիտությունների թեկնածու, դոցենտ Ազգուշ Հակոբյանը, Լուսիկ Քուրբջյանը, Լենա Երիցյանը և այլք:

Տարիքային և մանկավարժական հոգեբանության, մասնագիտական կրթության, ինչպես նաև բուհում ուսանողների հարմարման խնդիրների, զգայական իմացության և ստեղծագործական հոգեբանության, կրտսեր դպրոցականների մտածողության հիմնախնդիրների ուղղությամբ իրականացված հետազոտությունները հիմք դրեցին

Հայաստանի Հանրապետությունում հոգեբանական դպրոցների ձևավորմանն ու զարգացմանը: Մանկավարժական բուհում գործող հոգեբանության ամբիոններն իրենց մեծ ներդրումն են ունեցել գիտական ներուժի պատրաստման գործում:

Սովորողների մտածողության ձևավորման և զարգացման, ինչպես նաև ուսուցման գործընթացի արդյունավետության բարձրացման հարցերին է անդրադարձել Հայաստանում մտածողության հոգեբանական դպրոցի հիմնադիր, հոգեբանական գիտությունների դոկտոր, պրոֆեսոր Կառլեն Ոսկանյանը, ում ղեկավարած ասպիրանտները՝ Կ.Գ.Ղ., պրոֆեսորներ Սամվել Խուդոյանը (հոգեթերապիա), Կամո Վարդանյանը (սովիցիոլոգիա հոգեբանություն) հետազոտում զարգացրել են հոգեբանության տարբեր բնագավառներ, ղեկավարել ամբիոններ, գիտահետազոտական կենտրոններ, դարձել հոգեբանական գիտությունների միջազգային ակադեմիայի թղթակից անդամներ, Հայկական հոգեբուժական ասոցիացիայի խորհրդի անդամներ:

Հոգեբանության երախտավոր Կ.Գ.Ղ., պրոֆեսոր Սերգեյ Արզումանյանը մեծապես նպաստել է Հայաստանում իրավաբանական հոգեբանության, մանկան հոգեբանության և ընդհանրապես հոգեբանական գիտական մտքի զարգացմանը: Նրա և մեծանուն այլ հայ հոգեբանների ջանքերով հիմնված Հոգեբանության և մանկավարժության ֆակուլտետը պատրաստել է հոգեբաններ հանրակրթական, միջին մասնագիտական հաստատությունների, պաշտպանության և արդարադատության համակարգերի համար՝ հիմք դնելով հանրապետությունում նոր ուղղությունների զարգացմանը: Ներկայումս բուհի գիտական ներուժը համալրում են հենց նրա նախկին ուսանողները, ասպիրանտները, այսօր արդեն գիտությունների թեկնածու, դոցենտներ Ռուզաննա Պետրոսյանը, Գայանե Խաչիկյանը, Անահիտ Արզումանյանը, Վահան Սարգսյանը, Եվա Հովհաննիսյանը և այլք:

Զինվորական հոգեբանության երախտավորներից են Կ.Գ.Ղ. Վազգեն Մարգարյանը, Կ.Գ.Ք., դոցենտ Զարգանդ

Ասատրյանը, ովքեր երկար տարիներ կրթել և համալրել են զինվորական հոգեբանների շարքերը, իսկ Արտակարգ իրավիճակների հոգեբանության մեջ իր մեծ ներդրումն ունի Մելս Սկրտունյանը:

Հանրապետությունում տարիքային և մանկավարժական հոգեբանական մտքի զարգացման երախտավորներից են հոգեբանական գիտությունների դոկտոր, պրոֆեսորներ Վլադիմիր Կարապետյանը, Էմմա Ալեքսանդրյանը: Լինելով Հայաստանում առաջին կին դոկտորը՝ Էմմա Ալեքսանդրյանը նախածեռնել և հիմնել է Հայաստանում մանկան հոգեբանության վերականգնողական առաջին կենտրոնը: Խորհրդանշական է նաև, որ բուհի 100-ամյա պատմության մեջ առաջին կին ռեկտոր է ընտրվել նրա սան, Հայաստանում սոցիալական հոգեբանության ու լրտրի հիմնադիրներից, հոգեբանական գիտությունների միջազգային ակադեմիայի թղթակից անդամ, Եվրոպայի հոգեթերապևտների լիգայի անդամ, հոգեբանական գիտությունների դոկտոր, պրոֆեսոր, Արթուրի Գևորգյանը:

Մանկավարժական համալսարանում հոգեբանության զարգացման, մասնագետների պատրաստման գործում երկար տարիներ իրենց ներդրումն ունեն հոգեբանական մտքի երախտավորների գիտական ազդեցության կրողներ, նախկին ուսանողներ, այսօր արդեն հոգեբանական գիտությունների թեկնածու դոցենտներ, ֆակուլտետի դեկան, Ալմաթիի Ինֆորմատիկայի միջազգային ակադեմիայի թղթակից անդամ Ռուզաննա Պետրոսյանը, փոխդեկաններ Լիդա Արամյանը և Սոնա Մակիչյանը, ամբիոնի վարիչներ Մարիաննա Ավետիսյանը, Լևոն Սարգսյանը: Մանկավարժական համալսարանը հոգեբանական մտքի զարգացման յուրահատուկ դարբնոց է, ուր հոգեբանության գիտական դպրոցների զարգացմանն այսօր իրենց նպաստ են բերում երիտասարդ կադրերը՝ կամրջելով հոգեբանության երեկն ու այսօրը:

Կրթության հոգեբանության և սոցիոլոգիայի ֆակուլտետ





### Միջազգային համագործակցություն

Միջազգային համագործակցության բաժինը խթանում և իրականացնում է բուհի միջազգային համագործակցությունը օտարերկրյա առաջադեմ բուհերի և կազմակերպությունների հետ տարբեր ուղղություններով՝ Երազմուս + KA1 և KA2, «Ամառային դպրոց» միջազգային ծրագիր, Սփյուռքի և օտարերկրյա ուսանողների ընդունելություն, դասախոսություններ արտասահմանյան դասախոսների կողմից, վերապատրաստումներ, սեմինարներ, աշխատաժողովներ և կոնֆերանսներ, միջազգայնացված



ակադեմիական ծրագրեր և այլն: Բուհը համագործակցում է միջազգային 6 կազմակերպությունների և 43 բարձրագույն ուսումնական հաստատությունների հետ (ՌԴ, Իտալիա, Իսպանիա, Ֆինլանդիա, Չինաստան, ԱՄՆ, Լիտվա, Լատվիա, Լեհաստան, Պորտուգալիա, Ֆրանսիա, Շվեյցարիա), իրականացնում է Երազմուս + կրեդիտային շարժունության ծրագրեր 18 համալսարանների հետ Իսպանիայում, Իտալիայում, Ֆինլանդիայում, Եստոնիայում, Լիտվայում, Անգլիայում, Լեհաստանում, Ռուսիայում, Սլովակիայում, Ավստրիայում, Ճապոնիայում, Պորտուգալիայում:

2018-2021թթ. ԳՊՄԳ-ն համակարգել է Երազմուս + բարձրագույն կրթությունում կարողությունների զարգացում (573975-EPP-1-2016-1-AM-EPPKA2-CBHE-SP) BOOST (Հայաստանյան համալսարանների միջազգայնացման ռազմավարության և մարքեթինգի խթանում) ծրագիրը: Ծրագրի շրջանակներում ստեղծվել են [www.studyinarmenia.am](http://www.studyinarmenia.am) կայքը և study in Armeina տեսահոլովակը, որոնք լայն հնարավորություն են ընձեռում տեղեկություն ստանալու Հայաստանում կրթվելու մասին:

ԳՊՄԳ-ն նաև Երազմուս + բարձրագույն կրթությունում կարողությունների զարգացում 2 ծրագրերի գործընկեր է ARMDOCT (Պոկտորական կրթության բարեփոխումը հայաստանում՝ ակադեմիական համայնքի, արդյունաբերության պահանջներին և ԵՄ փորձին համապատասխան) և MODEST (Գիտության ոլորտում հետադարձ կրթության արդիականացումը և դասավանդման մեթոդաբանության բարելավումը):

2013թ.-ից ի վեր ԳՊՄԳ-ն իրականացնում է «Ամառային դպրոց» միջազգային փոխանակման ծրագիրը, որի նպատակն է խթանել միջմշակութային հարադասակցումը, բարելավել ուսանողների օտար լեզուների իմացությունը, տարածել հայկական մշակույթը արտերկրում, ԳՊՄԳ ուսանողներին հնարավորություն տալ ճամփորդել և ընդլայնել մտափոխումը: Ծրագրի շրջանակներում ԳՊՄԳ-ն համագործակցում է 13 համալսարանի հետ:

**Ֆրանկոֆոնիայի համալսարանական գործակալության** անդամակցության շրջանակներում յուրաքանչյուր տարի ԳՊՄԳ ուսանողները հնարավորություն ունեն մասնակցելու ֆրանկոֆոն երիտասարդական փառատոնին տարբեր երկրներում:

ԳՊՄԳ-ն Զինաստանի դեսպանության հովանավորությամբ ԳՊՄԳ-ում հիմնադրվել է **Չինական մշակույթի կենտրոն**, ինչպես նաև Օտար լեզուների ֆակուլտետում չինարենը որպես երկրորդ լեզու դասավանդելու նպատակով 2019թ. ԳՊՄԳ են եկել Չինաստանից երկու մագիստրոս:

Ընդլայնվել է համագործակցությունը Շվեյցարիայի հետ, մասնավորապես՝ Ցյուրիխի մանկավարժական համալսարանի հետ իրականացվել է «Better teaching for Better Learning» դրամաշնորհային ծրագրի, Ցյուրիխի արվեստի համալսարանի հետ իրականացրած ծրագրին մասնակցել են ուսանողներ և դասախոսներ Ցյուրիխի արվեստների, Լուցերնի կիրառական գիտությունների և արվեստի, Շվեյցարիայի կիրառական գիտությունների և արվեստի հյուսիս-արևմտյան համալսարաններից և ԳՊՄԳ-ից: «ԱՐՏՍԱՍ» հիմնադրամի հետ համագործակցության շրջանակներում Մանկավարժականի և շվեյցարացի դասախոսները բուհի Աղավանձորի ուսումնական բազայում վերապատրաստել են կերպարվեստ դասավանդող ուսուցիչներին:

Վերջին 4 տարիների ընթացքում ԳՊՄԳ-ում սովորել է 200 ուսանող Իրանի Իսլամական Հանրապետությունից:

## Պարզևատրեցին հայագիտության նվիրյալին

Մանկավարժական համալսարանի հիմնադրման 100-ամյակի առթիվ, Գիտական խորհրդի որոշմամբ, համալսարանի ռեկտոր Սրբուհի Գևորգյանը Հունգարիայի Պիտեր Պազմանի կաթոլիկ համալսարանի հայագիտության ամբիոնի վարիչ, դոկտոր Բալինտ Կովաչին պարգևատրեց «Խաչատուր Աբովյան» մեդալով:

Բալինտ Կովաչը բուհի լավագույն բարեկամն է, իսկ Հունգարիայի Պիտեր Պազմանի Կաթոլիկ համալսարանը՝ լավագույն գործընկերը դեռևս 2016 թվականից: Երկու համալսարանների միջև գիտակրթական գործընկերության շրջանակում Պիտեր Պազմանի համալսարանում բացվել է հայագիտության ամբիոն, որի հետ կրթական ծրագրերով համագործակցում է ԳՊՄԳ Պատմության և հասարակագիտության ֆակուլտետը: Հավելենք, որ հենց նրանց միջնորդությամբ Հայաստանին վերադարձվեց 44-օրյա պատերազմի ընթացքում գերի ընկած 5 հայ զինվոր:

Ֆակուլտետի դեկան Էդգար Հովհաննիսյանը վստահեցրեց՝ Հունգարիայի հետ կապը թեև սկզբում անհավանական էր թվում, այժմ վերածվել է ոչ միայն գիտակրթական համագործակցության, հայագիտության ամբիոնը դիվանագիտության շրջանակներում լուրջ քայլեր է անում՝ փաստելով, որ Հայաստանի հետ բարեկամությունն օրեցօր առավել սերտանում է՝ դուրս գալով կրթական շրջանակներից:

Բալինտ Կովաչը ոգևորված պատմում է, որ կարողում է Հայաստանն ու հայերին, իսկ Մանկավարժական համալսարանի բարձրագույն պարզևատրեցին պարտավորեցնող է:

Պարզևատրեցին ներկա էին բուհում միջազգային գիտաժողովի մասնակցող պատվիրակության անդամներ, Հունգարիայի Պիտեր Պազմանի Կաթոլիկ համալսարանի պրոֆեսոր Շանդոր Օգեն և դոկտոր Կորիտոֆ Սուրմին:

Բալինտ Կովաչն ընդգծեց, որ պրոֆեսոր Օգենի դե-

րը մեծ է հայագիտությանը իր զբաղվելու գործում. նա խորհուրդ է տվել զբաղվել Տրանսիլվանիայի հայերի կյանքի ու գործի ուսումնասիրությամբ, ինչը հինք է հանդիսացել գիտական պաշտպանության համար, ապա կապվել հայերի ու Հայաստանի հետ:

Բալինտ Կովաչն իր երախտագիտությունը հայտնեց



համալսարանի ռեկտոր Սրբուհի Գևորգյանին՝ հայագիտության ասպարեզում իր աշխատանքը զմահատելու համար՝ վստահեցնելով, որ առաջիկայում ավելի կընդլայնվեն գործակցային կապերը:

Նա ռեկտորին փոխանցեց Հունգարիայի կաթոլիկ համալսարանի ռեկտորի շնորհավորանքը բուհի հոբելյանի առթիվ:

### Տարեգրության Էջերից



#### Միսաք Արշամի ԴԱՎԹՅԱՆ

ԳՊՄԳ ռեկտոր 1999-2002, Կենսաբանական գիտությունների դոկտոր, պրոֆեսոր, ՀՀ ԳԱԱ ակադեմիկոս, ՀԽՍՀ գիտության վաստակավոր գործիչ

#### Ես հավատում եմ Մանկավարժական համալսարանի հաջողություններին

Լավ դասախոսն առաջին հերթին պետք է լինի լավ գիտնական ու հետազոտող. Նրա աշխատանքի հիմքը պետք է ունենա գիտական մոտեցում, որպեսզի խորն ըմբռնի յուրաքանչյուր փաստի էությունը: Դասախոսի մեջ պետք է մեկտեղվեն մարդկային բնավորության լավագույն հատկանիշներն ու լավ մասնագետ լինելը:

Բոլոր ժամանակներում կրթության վերափոխման հարցը եղել է օրակարգային: Այդ գործում Մանկավարժական համալսարանը՝ ի դեմս իր գիտնական-դասախոսների, միշտ էլ գտնվել է բարձրության վրա և կրթական փոփոխություններում ունեցել իր մեծ ավանդը:

Բուհի որակը որոշվում է նրանում աշխատող կադրերով. չէ՞ որ համաշխարհային ճանաչում վայելող համալսարաններն աչքի են ընկնում պրոֆեսորադասախոսական կազմի բարձր վարկանիշի շնորհիվ:

Ես հավատում եմ Մանկավարժական համալսարանի հետագա հաջողություններին. նա բոլոր ժամանակներում պատվով է կատարել իր առաքելությունը և պատրաստել մանկավարժների գրագետ սերունդ:



#### Արտուշ Ապրեսի ՂՈՒԿԱՍՅԱՆ

Ֆիզմաթ գիտությունների դոկտոր, պրոֆեսոր, ԳՊՄԳ ռեկտոր 2002-2010

#### Ուսուցչի առաքելությունը նույնն է բոլոր ժամանակների համար

Իմ պաշտոնավարման տարիները Մանկավարժական համալսարանում նախ ես ինձ համար եմ կարևորում, որովհետև ծանոթացա և առնչվեցի մի հրաշալի կոլեկտիվի հետ, որտեղ և՛ բազմազանություն կար, և՛ բազմակարծություն, կար գիտակրթական համարակրթական համալսարանի հետ իրականացվել է «Better teaching for Better Learning» դրամաշնորհային ծրագրի, Ցյուրիխի արվեստի համալսարանի հետ իրականացրած ծրագրին մասնակցել են ուսանողներ և դասախոսներ Ցյուրիխի արվեստների, Լուցերնի կիրառական գիտությունների և արվեստի, Շվեյցարիայի կիրառական գիտությունների և արվեստի հյուսիս-արևմտյան համալսարաններից և ԳՊՄԳ-ից: «ԱՐՏՍԱՍ» հիմնադրամի հետ համագործակցության շրջանակներում Մանկավարժականի և շվեյցարացի դասախոսները բուհի Աղավանձորի ուսումնական բազայում վերապատրաստել են կերպարվեստ դասավանդող ուսուցիչներին:

Մենք բավականին բարդ իրավիճակի մեջ ենք դնում մեր ուսուցիչներին: Պետք է անկեղծ լինեն և ասեն, որ մենք քիչ ենք օգնում ուսուցչին, պահանջները շատ են: Կյանքը շատ արագ բարեփոխումներ է առաջադրում և այնքան էլ հեշտ չէ հարմարվել այդ զարգացումներին:

Այսօր շատ ավելի բարդ է, քան երբևիցե: Անկախությունը շատ լավ է, բայց ցավալի է գիտնականների, մտավորականների այսօրվա արտահոսքը, դժվար կենցաղը...

Բայց չպետք է մեղավորներ փնտրել, խնդիրն այն է, թե յուրաքանչյուրն իր տեղում ինչպես է աշխատում: Մանկավարժական համալսարանի դասախոսներին ես կասեի՝ ինչքան էլ կյանքը դժվար է, դուք ամենակարևոր մարդիկ եք, ձեր պարտականությունները շարունակեք պատվով կատարել:

Ուզում եմ նաև շնորհավորել ուսանողներին և ասել՝ համոզված եղեք, որ դուք ճիշտ մասնագիտություն եք ընտրել: Դուք բոլորը իրականացնում եք ազգագուտ գործունեություն:

Սա մասնագիտություն է, որ սկիզբն է ամենի...

Ուսուցչի դերակատարությունը փոխվում է ժամանակի հետ և պետք է կարողանալ հարմարվել ժամանակի ռիթմին, բայց ուսուցչի սրբազան առաքելությունը մնում է նույնը բոլոր ժամանակների համար:



### Գիտական գրադարանը

1922 թ. Նոյեմբերի 7-ին հիմնադրվել է Մանկավարժական ինստիտուտի գրադարանը: 190 կտոր գրքով, առաջին գրադարանապետ է նշանակվել կարգալույծ քահանա Մուշեղ Գասպարյանը:

1923 թ. Էջմիածնի Մայր Աթոռի լուծարված մատենադարանից Մանկավարժականի գրադարան է փոխադրվել շուրջ 5000 միավոր հայերեն (այդ թվում մինչև 1800 թվականը տպագրված 28 հմատիպ), շուրջ 4000 միավոր ռուսերեն (այդ թվում մեկ օրինակ հմատիպ) գիրք և 15 ամուսն հայերեն օրագիր-ամսագիր և հանդես:

1933 թ.ին Մանկավարժական ինստիտուտին հատկացված հանջյան փողոցի վրա գտնվող նորակառույց շենքի նկուղային և առաջին հարկերում բացվել է գրադարանի № 1 գրապահոցը:

1934 թ. Նոյեմբերին բացվել է Մանկավարժական ինստիտուտի Գյումրիի մասնաճյուղը: Նորաստեղծ գրադարանին է փոխանցվել շուրջ 2500 օրինակ գրականություն, այդ թվում՝ հմատիպ և հազվագյուտ գրքեր:

1934 թ. դեկտեմբերին Մանկավարժականի գրադարանի գրքային ֆոնդը հասել է 19032 միավորի:



1939 թ. գրադարանի տնօրեն է նշանակվել Դուխիկ Մովսիսյանը:

1960 թ. գրադարանի գրքային ֆոնդը հասել է 235.000 միավորի:

1961 թ. գրադարանի տնօրեն է նշանակվել Արդինե Արեւելյանը, որը 1965 թ. արժանացել է Վաստակավոր գրադարանավարի կոչման:

1967 թ. բացվել է Մանկավարժական ինստիտուտի Գորիսի մասնաճյուղը: Գրադարանին է փոխանցվել շուրջ 3000 օրինակ գրականություն:

1970 թ. Բանասիրական ֆակուլտետի նկուղային հարկում բացվել է գրադարանի № 2 գրապահոցը:

1971 թ. հունվարին գրադարանի գրքային ֆոնդը հասել է 321.531 միավորի:

1979 թ. դեկտեմբերին Մանկավարժականի Գորիսի մասնաճյուղի գրադարանի գրքերի թիվը հասել է 40.000-ի:

1995 թ. Գրադարանի տնօրեն է նշանակվել Տիգրան Հովհաննիսյանը:

2000 թ. Մանկավարժականի գրադարանի տպագիր նյութերի ֆոնդը հասել է 500 հազար միավորի: Գրադարանին շնորհվել է գիտական գրադարանի կարգավիճակ, դասակարգման առաջին կարգ:

2009 թ. գրադարանի տնօրեն է նշանակվել Տիգրան Պետրոսյանը:

2010 թ. ապրիլի 2-ին տեղի է ունեցել ՀՀ ԳԻՏԱԳՐԱԿԱՆ ԳՐԱԴԱՐԱՆԻ մանկավարժական գրադարանի մեծ ընդլայնումը:

2010 թ. բարձրահարկ շենքի 2-րդ հարկում բացվել է ՀՀԳԻՏԱԳՐԱԿԱՆ ԳՐԱԴԱՐԱՆԻ հունանիտար գրականության ընթերցասրահը:

2010 թ. դեկտեմբերի 22-ին առաջին անգամ կազմակերպվել է «Լավագույն ընթերցող» մրցույթը: Այն անցկացվել է մինչև 2020 թվականը:

2013 թ. մարտի 27-ին Բանասիրական ֆակուլտետի 3-րդ հարկում բացվել է բանասիրական գրականության ընթերցասրահ:

2013 թ. հոկտեմբերի 16-ին Պատմական ֆակուլտետի 4-րդ հարկում բացվել է պատմական գրականության ընթերցասրահ:

2014 թ. հունվարին հաստատվել է գիտական գրադարանի նոր կանոնադրությունը:

2014 թ. ապրիլի 14-ին Գիտական գրադարանում հիմնվել է «Հորեքաբեր» գրական ակումբը:

2014 թ. դեկտեմբերի 16-ին Համալսարանի բարձրահարկ մասնաշենքի 7-րդ հարկում բացվել է բնագիտական գրականության ընթերցասրահ:

2022 թ. հունվարի 1-ի դրությամբ ՀՀԳԻՏԱԳՐԱԿԱՆ ԳՐԱԴԱՐԱՆԻ տպագիր նյութերի թիվը հասնում է 600 հազարի, որից գրքեր՝ 513 հազար:

ՀՀԳԻՏԱԳՐԱԿԱՆ ԳՐԱԴԱՐԱՆԻ այսօր գիտնաշխատակալների կենտրոն է, ուր կազմակերպվում են տարաբնույթ հանդիպումներ անվանի շրջանավարտների, գրողների և տարբեր ոլորտների մարդկանց հետ:

### Աելիտա ԴՈԼՈՒԽԱՆՅԱՆ

ՀՀ ԳԱԱ թղթակից անդամ, Բանասիրական գիտությունների դոկտոր, պրոֆեսոր, Խ. ԱԲՈՎԷՅԱՆԻ անվան հայկական պետական մանկավարժական համալսարանի Հայ հին և միջնադարյան գրականության և նրա դասավանդման մեթոդիկայի ամբիոնի վարիչ

## Մեր դասախոսներն իրենց գիտելիքներով ու նվիրումով ոգեշնչում էին մեզ

Պատմալեզվագրական ֆակուլտետը խաչատուր Աբովյանի անվան մանկավարժական բուհի նշանավոր ֆակուլտետներից էր: Մեր կուրսը, բաղկացած 50 հոգուց, ուներ հավասար քանակով աղջիկներ ու տղաներ: Բոլորին հետաքրքրում էր հնարավորին առաջադեմ ուսանող լինելու հեռանկարը: Բնականաբար ուսման հինգ տարիների ընթացքում տարբեր առարկաների դասախոսներ էին մեզ ուսուցանում: Ֆակուլտետի ղեկավար պատմական գիտությունների դոկտոր, պրոֆեսոր Արտաշես Պողոսյանն էր, որին ուսանողները շատ սիրում էին: Նա ասում էր, որ ինքը ֆակուլտետում դասավանդելու համար ընտրվում է լավագույն դասախոսների, և դա պետք է մեզ պարտավորեցներ: Եվ, իրոք, դա այդպես էր: Հայրը լեզվի տարբեր դարձնթացքները մեզ ավանդել են առաջնակարգ դասախոսներ՝ առաջին հերթին ոսկեշուրջ, ՀՀ ԳԱԱ թղթակից անդամ Աշոտ Աբրահամյանը, որի լեզվաբանության ու գրաբարի դասերը հիշում են մինչև այսօր երախտագիտությամբ: Նրան ենք պարտական եզրին Կողբացու և Ստեփանոս Օրբելյանի երկերի տաղանդավոր թարգմանությունները որպես իսկական գանձեր ունենալու համար:

Լեզվի ընտիր դասախոսներ էին պրոֆեսորներ Վաղարշակ Քոսյանը, Բոգդան Վերյանը, Պետրոս Բեդիրյանը: Քոսյանը որպես հիմնալի ղեկավար երկար տարիներ ղեկավարել է բանասիրական ֆակուլտետն ու հայրը լեզվի ամբիոնը: Իհարկե բարբառագիտություն ու պատմական քերականություն առարկաներն անմոռանալի էին ակադեմիկոս Արարատ Ղարիբյանի մատուցմամբ: Ես կարևորում

եմ այդ երախտավորների անունների հիշատակումն իմ խոսքում:

Հայ գրականության ամբիոնի վարիչ պրոֆեսոր Վաչե Պարտիզունին մեծ նվիրումով կարդում էր հայ գրականության նոր շրջանի հեղինակներին: Նրան յուրօրինակ ձևով լրացնում էր պրոֆեսոր Արշալույս Բաբայանը: Վաչե Պարտիզունու «Վահան Տերյան» դասախոսությունը երևույթ էր, իսկ Բաբայանն այնպես էր ներկայացնում Դերենիկ Դեմիրճյանի «Վարդանանք» պատմավեպը, կարծես ինքը եղել էր Ավարայրի դեպքերի ակնմատեսն ու մասնակիցը:

Հայ հին և միջնադարյան գրականությունը դասավանդում էր դոցենտ Աշոտ Մկրտչյանը, որի մոտ «գերազանց» ստանալն իսկական խիզախում էր: «Գերազանց» ստանալը բարձրագույն երևույթ էր պրոֆեսոր Պարույր Սահակյանի մոտ, որն ավանդում էր գրականագիտություն և ռուս գրականությունը առարկաները: Նրա դասախոսությունները հիմնալի էին:

Հունահռոմեական գրականությունն ավանդում էր այդ առարկաների դասազրբերի հեղինակ, ազնվական տեսքով Առաքել Առաքելյանը, որը մասնա կազմակերպիչի հայ մատենագիրների հիմնալի գիտակ էր և ուներ նրանց ներկայացնող արժեքավոր գրքեր: Եվրոպական գրականությունը իսկական կախարհիչ խոսքով ներկայացնում էր պրոֆեսոր Սողոմոն Սողոմոնյանը, որին հատուկ մեծ կուրսի համար իրավիճակ էր դեկան Պողոսյանը:

## Բարի՛ փարեզարձ, սիրելի՛ Մանկավարժական

Այս տարի լրանում է քո գործունեության 100-ամյակը: Եվ ես՝ թվով անհամեմատելի շրջանավարտ, ի դեմս սփյուռքում դասավանդող քո հազարավոր շրջանավարտների, սիրով շնորհավորում եմ քեզ և մանկավարժական համակազմին, այսօրվա և գալիք ուսանողներիդ հոբելյանական տարեդարձիդ առթիվ:

Երկրա և բեղմնավոր ճանապարհ ես անցել. կրթել հայ և օտարազգի երիտասարդների, հաղորդել նրանց ակադեմիական և արդի գիտելիքներ ու հմտություններ, ճանապարհի հարթել դեպի մանկավարժի դժվարին ու անչափ կարևոր առաքելության տաճար՝ դպրոց:

Իմ հարազատ համալսարան, իմ սիրելի ու անմոռանալի դասախոսների՝ ավագ ընկերներ, ձեր անմիջական մասնակցությամբ ու հոգածությամբ հյուսվում է յուրաքանչյուր շրջանավարտի մասնագիտական, ինչու չէ, մասնագիտական կյանքը, ձևավորվում են համոզմունքներ, աշխարհայացք, դառնում արբեղակերպ, ազգային մտածողություն: Եվ կարևոր է, թե որտեղ է բնակվում և արարում քո շրջանավարտը, մա շարունակում է լինել Մանկավարժական համալսարանի ջահակիրը:

Իմ անցած մանկավարժական ուղին սկսվեց 1995 թվականին, երբ ես ուղք դրեցի Մանկավարժական ինստիտուտ (այդ տարիներին ինստիտուտ էր): Իսկապես անվանազան ուսուցիչ դառնալու ցանկությամբ՝ ես անձնային լրջությամբ էի վերաբերվում իմ կրթությանը: Ականջալուր էի մեր հմուտ դասախոսների խորհուրդներին: Ու հենց այդ տարիներին ինձ համար ուսուցչի վառ ու օրինակելի կերպար դարձավ իմ դասախոս տիկին Ջուլիետա Գյուլամիրյանը: Իր օրինակին հետևելով և իր գիտական ղեկավարությամբ ես գերազանցությամբ ավարտեցի համալսարանի Տարրական ուսուցման մեթոդիկայի և մանկավարժության ֆակուլտետը, ապա՝ ասպիրանտուրան: Ասպիրանտական տարիներին հնարավորություն ունեցա գործնական ժամեր վարել Հայրը լեզվի ուսուցման մեթոդիկայի ամբիոնում: Երանելի՛ տարիներ... Որքա՛ն բան սովորեցի այդ տարիներին: Երբեք չեմ մոռանա տիկին Գյուլամիրյանի խոսքերը. «Օրվա 24 ժամ ինձ չի բավարարում... Այնքա՛ն գործ կա անելու, այնքա՛ն բան կա ստեղծելու...»:

Բուհն ավարտելուց հետո դասավանդել եմ Երևանի տարբեր կրթօջախներում:

Ամնոռանալի, բովանդակալից և արգասաբեր մանկավարժական գործունեության տարիներ, որոնց մասին կարելի է ամվերջ խոսել:

2014 թ. ՀՀ Կրթության և գիտության նախարարության և հայ առաքելական եկեղեցու կողմից անցկացված «Լավագույն առարկայական մասնագետ» համապետական մրցույթում պատվավոր 3-րդ տեղը գրավելն ու Ամնոռանալի հայրը կաթողիկոսի օրհնությամբ պատվոգրի արժանանալն ինձ համար մեծ պատիվ էր:

2016 թվականին ընտանիքով մշտական բնակության տեղափոխվեցիմք Ռուսաստանի Դաշնություն, և աշխատանքային գործունեությունն թևակոխեց նոր փուլ: Ես դարձա սփյուռքի ուսուցիչ:

Եթե հայրենիքի դպրոցում դասավանդել մասնագիտական գործունեություն էր, ապա սփյուռքում այն ձեռք բերեց գաղափարական, հայապահպան նշանակություն: Նովոռոսիյսկ քաղաքում «Լույս» հայկական համայնքի աջակցությամբ սկսեցի հայերեն դասավանդել Ռասկայա ավանի № 24 միջնակարգ դպրոցում: Շուրջ հավաքեցի հայ երեխաներին, նրանց ծնողներին: Մեր փոքրիկ դասարանը դարձրի հայկական անկյուն, ուր երեխաներն այսօր խոսում են հայերեն, գրում ու կարդում են մայրենի լեզվով, կազմակերպում գրական ցերեկայիններ, նշում մեր ազգային տոները, մասնակցում հայրենագիտական օլիմպիադաների, համահայկական նկարչական, ասմունքի մրցույթների, ճանաչվում հաղթող:



Ունենալով սփյուռքում դասավանդման 6-ամյա աշխատանքային փորձ՝ ձեռնամուխ եղա 2-րդ դասարանի «Հայաստանի կրունկ» դասագրքի և աշխատանքային տետրի ստեղծմանը: Ստեղծեցի մի շարք ուսուցողական խաղեր՝ մայրենի լեզվի, բանավոր խոսքի, ժողովրդական բանասիրության ուսուցման համար: Կազմեցի 70-ից ավելի ավանդապատումներ հավաքածու՝ մայրենի դասերը հետաքրքիր և ուսանելի դարձնելու համար:

Կարևորելով հայերենից աշակերտների գիտելիքների ինքնաստուգման անհրաժեշտությունը, ինչպես մաս երեխաների ներգրավումը առարկայական օլիմպիադանում, համագործակցելով «Այբ» կրթական հիմնադրամի հետ՝ կարողացա օժանդակել 2019 թվականի «Մեղու» հայերենի միջազգային օլիմպիադայի անցկացմանը Կրասնոդարի երկրամասում՝ ներգրավելով 60-ից ավելի երեխաների: Եվ արդեն 3 տարի շարունակ իմ աշակերտները մասնակցում և հաղթող են ճանաչվում «Մեղու» օլիմպիադայում՝ արժանանալով հատուկ մրցանակների:

Այս տարի առաջին անգամ Ռուսաստանի հայերի միության Կրասնոդարի երկրամասի բաժանմունքի կողմից անցկացվեցին «Տարվա ուսուցիչ» և «Տարվա աշակերտ» մրցույթները, որոնց մասնակցեցի ես իմ աշակերտների հետ: «Տարվա աշակերտ» մրցույթին ներկայացված իմ 5 աշակերտներն էլ ճանաչվեցին հաղթող, իսկ ես ճանաչվեցի երկրամասում «Լավագույն ուսուցիչ»:

Մասնակցում եմ համառուսաստանյան մրցույթների՝ ներկայացնելով մանկավարժամեթոդական աշխատանքներ՝ նպատակ հետապնդելով ռուսախոս համայնքում ներկայացնել հայկական մշակույթը, արվեստը, գիտն ու գրականությունը: Միջազգային մրցույթին ներկայացրած «Հայրը այրուքները համաշխարհային մշակույթում» իմ հետազոտական մանկավարժական նախագիծը ճանաչվեց հաղթող և արժանացավ «Գրան Պրի» մրցանակի:

Հիմա, երբ օրս բազմազարդ է, և առօրյա եռում է տեսողագործական աշխատանքով, երբ բացի ուսուցչությունից կազմում եմ ուսումնաստանողական ձեռնարկներ, աշակերտներին հետ մասնակցում եմ մրցույթների, վայելում նրանց հետ հաղթանակների բերկարները, կյանքի կոչում հետաքրքիր մասնագետ, երբեմն ինքս ինձ ասում եմ. «Օրվա 24 ժամ ինձ չի բավարարում... Այնքա՛ն գործ կա անելու, այնքա՛ն բան կա ստեղծելու...»:

Եվ այսօր ուզում եմ խորին շնորհակալություն հայտնել իմ հարազատ բուհին, իմ սիրելի ու թանկագին դասախոսներին այն գիտելիքների, գաղափարների, կամքի ու ձգտումների համար, որոնց կողմն եմ դարձել:

Արև ԲԱԼԱՅԱՆ  
Կրասնոդարի երկրամաս, ք. Նովոռոսիյսկ  
Հայրը լեզվի և գրականության ուսուցչուհի



Այս տարի լրանում է հաջատուր Արվարձանի անվան հայկական պետական մանկավարժական համալսարանի հիմնադրման 100-ամյակը: Հորեյանական պատկանելի մի ժամանակահատված, որի մշակութային միջավայրը մեկ դարով է չափվում: Մեկ դար լեցուն կայացման, կազմակերպման դժվարություններով, նվաճումների բերկրանքով, զարգացման ընթացքի վայրիվերումներով, վերակազմություններով, փոփոխումներով այն ամենով, ինչը բնորոշ է զարգացող օրգանիզմին, զարգացում ապրող, բայց երբեք չլճացող, իր ընթացքի մեջ կանգ չառնող երևույթին: Ինչպես և հարիր է յուրաքանչյուր կրթական օջախի՝ Մանկավարժական բուհը մշտապես քայլել և քայլում է ժամա-



կաններում «Искусство», «Творчество», հեղինակել է նաև հինգ մասնագիտական բովանդակությամբ գրքեր:

Մերի Երզնկյանն արտասահմանյան արվեստի փայլուն գիտակ է, նրա թողած հետազոտող զարմանալիորեն կամ էլ օրինաչափ կերպով կենսունակ է մինչև այսօր: Չէ՞ որ համալսարանում ներկայիս դասախոսող գրեթե բոլոր դասախոսները նրա ուսանողներն են եղել:

Երախտավորների մասին մեր գրվածքը ցանկանում ենք ավարտել այնտեղ, որտեղից սկսեցինք՝ Հրավարող Հակոբյանի բեղմնավոր գիտական և մանկավարժական գործունեության բնութագրմամբ:

Հայ իրականության մեջ առաջին արվեստագիտության դոկտորն է Հրավարող Հակոբյանը, ում նաև 1992 թվականին Ռուսաստանի Դաշնության բարձրագույն կրթության և գիտության նախարարության գիտական աստիճանների որակավորման հանձնաժողովի կողմից շնորհվել է պրոֆեսորի կոչում: Տասնամյակներ շարունակ միջմասնագետ-հայագետը զբաղվել է պատմական Հայաստանի Վասպուրական նահանգի և հարակից շրջանների ձեռագիր-մատյանների ուսումնասիրությամբ, որի հանրագումարը դարձան ՀԽՍՀ ԳԱ հրատարակչության կողմից լույս ընծայված «Վասպուրականի մանրանկարչությունը» երկհատոր աշխատությունը և «Миниатюра Васпуракана (XIII-XV вв.)» մենագրությունը, ինչպես նաև «Ձեռագիր մատյանների պատկերազարդման արվեստը Վասպուրականում» արժան ու գիտական բազմաթիվ հոդվածները:

Գիտական բեղմնավոր աշխատանքին զուգահեռ՝ Հ. Հակոբյանը զբաղվել է ակտիվ մանկավարժական գործունեությամբ: 1989-ին նա համատեղության կարգով հրավիրվել է Խ. Արվարձանի անվան հայկական պետական մանկավարժական համալսարան, նախ՝ որպես ամբիոնի վարիչ, ապա 2000-ից՝ ամբիոնի պրոֆեսոր: Ուսանող երիտասարդության համար անվանի արվեստաբանը հրատարակեց «Հայ արվեստի աշխարհում», «Համաշխարհային և հայ արվեստի պատմության ուղեցույց ծրագիրը» և իր բնագավառում անմասնադեպ «Կերպարվեստը հայոց կրթության մասին» արվեստի ուսուցման պատմության առաջին հատորը:

Զգալի է գիտնական-մանկավարժի վաստակը երիտասարդ կադրերի պատրաստման գործում: Նրա գիտական ղեկավարությամբ պաշտպանվել են թեկնածուական ատենախոսություններ արվեստաբանության և մանկավարժության գծով:

Թերևս չհաջողվեց ներկայացնել բուհի զարգացման գործում իրենց ավանդը ներդրած բոլոր արվեստագետներին, այդուհանդերձ Ֆակուլտետը պահում է բարձր գնահատականի և արժանացնում իր երախտավորներին, ասվածի ապացույցը վերջին տարիներին Ղուկաս Չուբարյանի, Հովհաննես Չարդարյանի, Սուրեն Սաֆարյանի անուններով կոչված արվեստանոց-լսարաններն են, ինչպես նաև պատկերասրահ-լսարանները, որոնցում գեղեցիկ են մեր Ֆակուլտետում դասավանդած և դասավանդող արվեստագետների աշխատանքները:

Մեր խոնարհումը արվեստի Մեծերին:

**Վարդիթեր ԳԱՄԱՂԵՅԱՆ**  
Արվեստի պատմության, տեսության և մշակութաբանության ամբիոնի ասիստենտ

## ԿԵՐՊԱՐՎԵՍՏԻ ԵՐԱՄՏՆԱՎՈՐՆԵՐԸ

ճակին համընթաց՝ ներքին մղումով ենթարկվելով փոփոխությունների, արձագանքելով նորարարություններին՝ հաճախ նույնիսկ առաջատար լինելով մշակութային առաջարկներում, ազգային ոգու կերտման և պահպանման հրամայականում: Եվ սա պատահական չէ, քանզի Մանկավարժական պատերի ներքո ջերմություն, կորով և գիտելիք է ստացել և ստանում հիմնականում գյուղական միջավայրից սերած պատանեկությունը, որը հղկման, կրթվելու կարիք ունի, միևնույն ժամանակ, կամա թե ակամա, իր ուսերի վրա է կրում ազգի տեսակը պահպանելու դժվարին առաքելությունը: Կրթվելու, կրթություն և լույս սփռելու, բայց երբեք ոչ ծուլվելու և տեսակը փոխելու առաքելությունը: Ահա այս դժվարին խնդիրն է միշտ ծառայած եղել բարձրագույն մանկավարժական հաստատության առջև, խնդիր որն առավել արդիական է ներկայիս բարձրագույն ժամանակահատվածում:

Եվ պատահական չէ, որ մանկավարժական բարձրագույն կրթության դասավանդել և դասավանդում են գիտության, մշակույթի և արվեստի բնագավառում ազգի երեւելիները: Խոսքը Գեղարվեստական կրթության ֆակուլտետում իրենց ավանդն ունեցած մշակույթի հայտնի գործիչների մասին է, անհատների, որոնք ճաշակ և հմտություն են փոխանցել սերունդներին, գեղեցիկը տեսնելու, գնահատելու բացառիկ կարողություններ, նաև՝ սեր մարդկանց և բնության հանդեպ:

Գեղարվեստական կրթության ֆակուլտետը պատկերավոր արտահայտությամբ ապրեց իր Ոսկե դարը, այն շրջանը, երբ այստեղ իրենց ավանդը ներդրեցին հանրապետության մեծանուն արվեստագետներն ու արվեստաբանները, որոնց հետնորդներն ու սաները ներկայիս ֆակուլտետի լավագույն մասնագետներն են:

Փորձենք Մեծ երախտավորների շարքից մի քանիսին առանձնացնել՝ հղումներ կատարելով ֆակուլտետի և արվեստի ամբիոնի բազմավաստակ մասնագետ ՀՀ գիտության վաստակավոր գործիչ, ՀՀ պետական մրցանակի դափնեկիր, արվեստագիտության դոկտոր, պրոֆեսոր Հրավարող Հակոբյանի գրառումներին: Ի դեպ մշեք, որ հարգարժան դոկտոր, պրոֆեսորի նախածնունդով 2017 թվականից համալսարանի «Մանկավարժական համալսարան» պաշտոնաթերթի էջերում պարբե-

րաբար լույս են ընծայվել ֆակուլտետի վաստակաշատ մանկավարժ-նկարիչների մասին ընդարձակ հոդվածներ: Ահա Հրավարող Հակոբյանի մուտքի խոսքը. «Տարիներ շարունակ հաջատուր Արվարձանի անվան մանկավարժական համալսարանի Կուլտուրայի և Գեղարվեստական կրթության ֆակուլտետի ղեկավարները ուսանողներին դասավանդելու համար հրավիրել են Հայաստանում մեծ ճանաչում ունեցող արվեստագետների, ովքեր սերունդներ են կրթել ու ճաշակ ձևավորել. Ղուկաս Չուբարյան, Եղուարդ Իսաբեկյան, Հովհաննես Չարդարյան, Լևոն Կոջոյան, Աշոտ Մելքոնյան»:

ՀԽՍՀ ժողովրդական նկարիչ Եղուարդ Իսաբեկյանը 20-րդ դարի հայ կերպարվեստի դասականներից է, ով 1965-66 թվականներին ղեկավարել է Խ. Արվարձանի անվան մանկավարժական ինստիտուտի Գունանկարի ամբիոնը, նա մեծ ավանդ ունի հայ գեղանկարչության պատմական ժանրի զարգացման գործում: Սուրենյանցից հետո, թերևս, պատմական ժանրի ամենացայտուն դրսևորումները եղան Իսաբեկյանի արվեստում: Պատմական ժանրի նրա ստեղծագործություններից են՝ «Պատասխան Հագկերտին», «Դավիթ Բեկ», «Ավարայրի ճակատամարտը», «Արտավազը սենյատում» մեծադիր կտավները: Եվ հենց այս հայրենասիրական տրամադրությամբ է նկարիչը մուտք գործել լսարան-արվեստանոց, վարակելով ապագա նկարիչներին ազգային ոգով:

ՀԽՍՀ ժողովրդական նկարիչ Հովհաննես Չարդարյանն աշխատել է Խ. Արվարձանի անվան մանկավարժական ինստիտուտում 1967-1982 թվականներին, իր գործունեությամբ խորապես իմաստավորել է ֆակուլտետի գեղագիտական կյանքը: 20-րդ դարի հայ կերպարվեստի պատմության մեջ Չարդարյանն այն երախտավորներից է, ով իր ուրույն տեղն ունի ոչ միայն հայ, այլև համաշխարհային գեղանկարչության մեջ:

Նկարչին մեծ ճանաչում բերեց 1956 թվականին ստեղծած «Գարուն» աշխատանքը, որին տարիներ հետո կարծես արձագանքեց մեկ այլ կտավ, որը կոչվեց «Ձգտում» (1960): Հետագա գեղանկարչական լուծումներում Չարդարյանն առանձնակի շեշտադրման արժանացրեց ստեղծագործությունների վառ գունային լուծումները՝ հագեցած լույսով, և հենց զարդարչական լավատեսությամբ: Չարդարյանն առաջին հերթին գույնի վարպետ է և հենց գույ-

նով վարակեց ուսանողներին:

Չարդարյանից մեկ տարի ավելի վաղ՝ 1967 թվականին, Մանկավարժական ինստիտուտ ուր դրեց քանդակագործության ապարեզի ամփոփելի մեծություն ՀԽՍՀ ժողովրդական նկարիչ, ԽՍՀՄ Գեղարվեստի ակադեմիայի իսկական անդամ Ղուկաս Չուբարյանը, ով աշխատեց բուհում մինչև կյանքի վերջ (2009)՝ ղեկավարելով Գծանկարի ամբիոնը: Մանկավարժական գործունեության երկարակյությունն առաջին հերթին բացատրվում է այն հանգամանքով, որ քանդակագործական բացառիկ տաղանդ ունենալուն զուգահեռ Չուբարյանն իր խառնվածքով և նվիրումով նաև փայլուն մանկավարժ էր:

Բավական է մշել երևանում հաստատված մոնումենտալ չուբարյանական քանդակները, որպեսզի պարզ դառնա քանդակագործ-նկարչի մեծությունը և հանրային նշանակությունը. Մատենադարանի առջևի «Մեսրոպ Մաշտոց և Կորյունը» արձանախումբը, Մխիթար Գոշը, Օպերայի և բալետի ակադեմիական թատրոնի հարթակում տեղադրված Ա. Սպենդարյանի արձանը և այլք:

Ղուկաս Չուբարյանն իր պլաստիկ մտածողությամբ վարակեց Մանկավարժականի սաներին, որոնցից շատերը հետագայում դարձան անվանի քանդակագործներ:

Մեր բուհում կրթության գործնական ուսուցումը լիարժեք չէր լինի և մեր կողմից ֆակուլտետի նկարագիրը թերի կմնար, եթե չներկայացնեինք արվեստաբաններին, մասնագետներին, որոնք գրեթե իրենց ողջ կյանքը նվիրեցին երիտասարդների հղկմանը՝ հարստացնելով գիտելիքները, ձևավորելով նրանց ինքնությունը, կերտելով նրանց քաղաքացու կերպարը: Ավագ սերնդի նշված արվեստաբանները երկուսն են, և երկուսն էլ, հուրախություն մեզ, ողջ և առողջ են:

Մերի Երզնկյան՝ արվեստագիտության թեկնածու, դոցենտ, ով մի քանի տասնյակ արվեստաբանական և մշակութաբանական հոդվածների հեղինակ է և 1970 թվականից մինչև 2016 թվականը դասավանդել է ֆակուլտետում: Արվեստաբանը տեսաբանական մտքի լայն ընդգրկման արդյունքում, նաև ռուսաց լեզվին գերազանց տիրապետելու շնորհիվ կարողացել է լուսաբանել հայ կերպարվեստը ռուսական արվեստաբանական միջավայրում, հողվածներ տպագրելով միութենական հեղինակավոր պարբերա-



## Մեկդարյա բուհն իմ աչքերով ...

Մանկավարժ դառնալու որոշումն հստակ էր, կողքից հնչած կարծիքները՝ բազմազան:

Ի վերջո որոշեցի պարզապես չլսել ոչ ոքի ու հետևել սրտիս ձայնին, որն ինձ ոչ միայն հուսախաբ չարեց, այլ նաև ուղղորդեց այն հաստատություն, որը դարձավ նպատակներիս իրականացման լավագույն սկզբնակետը: Ուսանողական խորհրդի միջոցով սկսեցի ակտիվ գործունեություն ծավալել, և յուրաքանչյուր հարցում իմ փոքրիկ ներդրումն ունենալն ավելի ամուր հիմք հանդիսացավ առավել արժևորելու մեկդարյա Մանկավարժականը:

Այս չորս տարիներն օգնեցին հասկանալ, որ Մանկավարժականը պարզապես ուսումնական հաստատություն չէ, այլ ամուր երկրի կարևոր սկզբնակետ և

ուսումնական գործընթացի շարունակականության պահպանման անբաժան օղակ:

Այսօր պատիվ ունեմ լինելու հարյուրամյա բուհի ուսանող: Մի բուհի, որի սաները կերտում են սերունդների ապագան, որի պատերի ներքոն ձևավորվում են մանկավարժական լավագույն որակները, որտեղ սովորող ուսանողն ունի հրաշալի մանկավարժ դառնալու բոլոր հնարավորությունները, որտեղ պաշտպանված են ուսանողների շահերն ու չկա ատելության կամ անհանդուրժողականության մթնոլորտ, որի շրջանավարտները կերտում են ապագա բժիշկներին, երաժիշտներին, թարգմանիչներին... որտեղ սովորեցնում են սովորեցնել՝ արդեն հարյուր տարի:

Այսպիսով, ամեն բան սկսվում է

դպրոցից, որի արժանի կադրերի ապահովման աշխատանքի բացակայությունը կրեթի իրական քաոսի, դե, իսկ Մանկավարժական համալսարանն ապահովում է երկրի ներկա և ապագա մանկավարժների պատրաստումը:

Ահա ինչու մանկավարժ դառնալու որոշումն հստակ էր: Ես սովորում եմ Մանկավարժական համալսարանում, և հպարտորեն եմ կրում ապագա մանկավարժի անունը:

Իմ համալսարանը մեկդարյա պատմություն ունի, և ես նրա մի մասնիկն եմ:

**Մարիամ ՍՄՐԳՅԱՆ**  
Կենսաբանության, քիմիայի և աշխարհագրության ֆակուլտետի 4-րդ կուրսի ուսանողուհի



### Մանկավարժական համալսարանի պարունության թանգարանը

Խ. Աբովյանի անվան հայկական պետական մանկավարժական համալսարանի 100-ամյա պատմությունը ներկայացված է համալսարանի թանգարանում, որն այս տարի նշում է իր 10-ամյակը: Թանգարանի հիմնական ցուցադրության պաշտոնական բացումը տեղի ունեցավ 2012 թվականի նոյեմբերի 19-ին՝ Համալսարանի 90-ամյակի տոնակատարությունների շրջանակում:

Մինչև 2012թ. ավարտը թանգարանն ունեցավ ավելի քան 7000 այցելու:

Բուհի ղեկավարության կողմից որոշում ընդունվեց ստեղծել թանգարան, որի նպատակը կլինի՝ ուսանողներին ծանոթացնել համալսարանի հարուստ պատմությանն ու ավանդույթներին:

Բուհի աշխատակազմը կարճ ժամանակահատվածում կազմեց ապագա թանգարանի թեմատիկ և ցուցադրական պլանները և նկարիչ ձևավորող Հայկազ Քոչարի, ինչպես նաև Մանկավարժական համալսարանի Թանգարանագիտության ամբիոնի օժանդակությամբ ստեղծեց Խ. Աբովյանի անվան հայկական պետական մանկավարժական համալսարանի թանգարանը:



Թանգարանն ակտիվ գործող կրթամշակութային կենտրոն է, որն իրականացնում է տարաբնույթ ծրագրեր ու միջոցառումներ տարբեր տարիքի լսարանների համար, կազմակերպում ժամանակավոր ցուցահանդեսներ, ակտիվորեն համագործակցում նման գործունեություն ծավալող մի շարք հաստատությունների հետ:

Ժամանակի պահանջներին համընթաց թանգարանը համալրվել ու համալրվում է տեխնիկական նորանվածություններով (հապագայում էկրան, 3D աֆիմացիա, էկրաններ): Այս համատեքստում կարևոր է նշել թանգարանի համագործակցությունը IZI travel միջազգային կազմակերպության հետ, որի արդյունքում 2014 թ.-ին թանգարանը Հայաստանում առաջինը գործարկեց IZI.travel ծառայության առևտրային անվճար ծրագիրը: Հաշվի առնելով հատուկ կարիքներ ունեցող այցելուների հետ տարվող աշխատանքների կարևորությունն ու առաջնահերթությունը, ինչպես նաև օգտվելով ծրագրի ընձեռած լայն հնարավորություններից, թանգարանի էքսկուրսիոն տեքստը հասանելի է նաև լսողության և խոսքի խանգարման խնդիրներ ունեցող մարդկանց համար՝ սուրդոտեքստերի միջոցով: Ծրագիրը կարևորվում է նաև տիֆլոմանկավարժության տեսանկյունից, քանի որ էքսկուրսիոն տեքստը՝ աուդիո տարբերակով, թանգարանում առանց հատուկ միջոցների ու հարմարությունների ներդրման, հասանելի է դառնում նաև այս խմբի այցելուների համար:

Իր գործունեության համակարգում մանկավարժական համալսարանի թանգարանը մեծ տեղ է հատկացնում հատուկ կարիքներ ունեցող այցելուների հետ տարվող ծրագրերին ու աշխատանքներին:

Թանգարանը հասանելի է Facebook սոցիալական ցանցում (ASPU Museum-ՀՊՄՀ Թանգարան), ունի կայքէջ (<https://aspu.am/hy/page/tangaran/>), որի միջոցով իրականացվում է, նաև վիրտուալ շրջայց թանգարանում:

Թանգարանը չի սահմանափակվում միայն ներթանգարանային աուդիոգրի կիրառմամբ, ստեղծվել է նաև «Ջրոսանք Երևանի փողոցներով» խորագիրը կրող զբոսաշրջային աուդիոգրի:

Ամեն տարի թանգարան են այցելում հազարավոր այցելուներ, որոնք իրենց տպավորություններն արձանագրում են այցելությունների գրքում:

ՀՊՄՀ թանգարանը սիրով հրավիրում է ծանոթանալու համալսարանի 100-ամյա պատմությանը:

## Համընդհանուր ներառականության համապրեքստում

100-ամյա պատմություն ունեցող Մանկավարժական համալսարանում Հատուկ և ներառական կրթության ֆակուլտետը Հայաստանի Հանրապետության միակ բուհն է, որը պատրաստում է լոգոպեդ, էրգոթերապևտ, արտթերապևտ, սուրդոմանկավարժ, օլիգոֆրենոմանկավարժ, տիֆլոմանկավարժ, հատուկ մանկավարժ, հատուկ հոգեբան որակավորմամբ մասնագետներ:

Հատուկ և ներառական կրթության ֆակուլտետի պրոֆեսորադասախոսական կազմի և շրջանավարտների գերակշիռ մասն աշխատում է ներառական կրթություն իրականացնող հանրակրթական և հատուկ դպրոցներում, նախադպրոցական ուսումնական հաստատություններում, պոլիկլինիկաներում, հիվանդանոցների տարբեր բաժանումներում, վերականգնողական կենտրոններում, մանկավարժահոգեբանական աջակցության կենտրոններում:

Ֆակուլտետի գիտագործնական, գիտահետազոտական և միջազգային գործունեությունը վերաբերում է համընդհանուր հատուկ և ներառական կրթությանը:

Ֆակուլտետի պրոֆեսորադասախոսական անձնակազմը մշտապես կարևորում է տեղական և միջազգային գիտաժողովները, աշխատաժողովները, սեմինարները, կլոր-սեղան քննարկումները կազմակերպում ու մասնակցությունը: Մասնավորապես ֆակուլտետն իր յուրովի մասնակցությունն է ցուցաբերել Էրազմուս + -ի, UNICEF -ի, Caritas հայաստանյան գրասենյակի հետ համատեղ իրականացվող միջազգային ծրագրերին: Կարևոր ձեռքբերումներից են ԱՄՆ «Պերկինս» միջազգային կազմակերպության մեկամյա մոդուլային վերապատրաստման ծրագիրը, որի արդյունքում մշակ-

վել և ֆակուլտետում ներդրվել է ուսումնական ծրագրերով նախատեսված ընտրովի դասընթաց: Միջազգային համագործակցության հաջողված փորձերից է 2014 թվականից մեկնարկած ՌԴ Մոսկվայի «Соединение» չտեսնող-չլսողների աջակցության հիմնադրամ ակադեմիայի կողմից «Наставники и ученики» նախագիծը, որի շրջանակներում 2 տարվա կտրվածքով (տարեկան 3 անգամ) ուսանողն իր ղեկավարի հետ համատեղ ՌԴ-ի տարբեր համալսարաններում ներկայացրել է իր կատարած հետազոտական աշխատանքը:

Erasmus+ կրեդիտային շարժունության ծրագրերի շրջանակներում կարևորվել է ֆակուլտետի և Չեխիայի Պարտուրիցե համալսարանի, Բուլղարիայի Անգել Կանչևի անվան համալսարանի, Իտալիայի Մաչերատայի համալսարանի, Ֆինլանդիայի Օուլու համալսարանի առաջատար մասնագետների հետ փոխադարձ այցելությունների կազմակերպումը:

ՀՊՄՀ-ի և Միներսոտայի համալսարանների համագործակցության արդյունքում լույս է տեսել «Ներառական կրթության ռազմավարությունը» խորագրով դասագիրքը, որը նախատեսված է դասախոսների, ներկա և ապագա մանկավարժների, կրթական, աջակցող ծառայություններ մատուցողների, հոգեբանամանկավարժական աջակցություն տրամադրող բազմամասնագիտական թիմերի անդամների, ծնողների համար:

Հատուկ և ներառական կրթության ֆակուլտետ



### Մանկավարժական համալսարանի № 57 հիմնական դպրոցը

№ 57 դպրոցը հիմնադրվել է 1947 թվական Երևանում: Տարբեր տարիների դպրոցը ղեկավարել են Օնիկ Վաթյանը, Սուսաննա Խաչատրյանը, իսկ 2014 թվականից առ այսօր՝ մանկավարժական գիտությունների թեկնածու, դոցենտ Նաիրա Տողանյանը:

1973-1974 ուստարում դպրոցը տեղափոխվել է Ազաթանգեղոսի 7ա հասցեում գտնվող նորակառույց տիպային շենք և գործել այդ վայրում մինչև 2018 թ.:

1995 թվականին դպրոցն անվանակոչվել է Վահան Թոթովենցի անունով:

2013 թվականի հունվարից դպրոցը դարձել է Խ. Աբովյանի անվան հայկական պետական մանկավարժական համալսարանի ստորաբաժանում և մինչ օրս գործում է համալսարանին կից:

2018 թ.-ից դպրոցը տեղափոխվել է Միմոն Վրացյան 75 հասցեում գտնվող մասնաշենք:

2022-2023 ուստարում դպրոցի 1-9-րդ դասարաններում սովորում է 502 աշակերտ:

Այստեղ իրենց մանկավարժական պրակտիկան են անցկացնում ՀՊՄՀ տարբեր ֆակուլտետների ուսանողները: Աշխատակազմը ջանք ու եռանդ չի խնայում կրթության բարձր որակ ապահովելու և սովորողների համար կրթական բարենպաստ միջավայր ստեղծելու ուղղությամբ:

Դպրոցում հաջողությամբ գործում է երկարօրյա երեք խումբ, առարկայական և սպորտային խմբակներ:

Դպրոցի երգչախումբը, որը ստեղծվել է 2014 թվականին, մասնակցել է 3 համահայկական փառատոնի և տարբեր միջոցառումների:

Դպրոցն աչքի է ընկնում հետաքրքիր ավանդույթներով, գեղեցիկ միջոցառումների կազմակերպմամբ:



### Հոգաբարություն ու նվիրում

Էմմա Ղազարյանը 2013-2019 թթ. սովորել և ավարտել է Խ. Աբովյանի անվան հայկական պետական մանկավարժական համալսարանի Կուլտուրայի ֆակուլտետի «Գրադարանային տեղեկատվական աղբյուրներ» բաժնում: Ուսումնառության ընթացքում ձեռք բերած գիտելիքները գործնականում ամրապնդել է Հայաստանի տարբեր գրադարաններում, այդ թվում՝ Ամերիկյան համալսարանի «Փափագյան» գրադարանում, Ազգային արխիվում:

«Դասախոսական հմուտ և բարեխիղճ անձնակազմի կողմից ստացել են մասնագիտական բարձր գիտելիքներ, որոնք այժմ կիրառում են իմ աշխատավայրում», - հպարտությամբ նշում է համալսարանի շրջանավարտը:

Ներկայումս որպես գլխավոր մատենագետ նա աշխատում է Մայր Աթոռ Սուրբ Էջմիածնի «Վաչե և Թամար Մանուկյան» մատենադարանում: Միևնույն ժամանակում է իր աշխատանքը, որը պահանջում է հոգատարություն ու նվիրում:

Կուլտուրայի ֆակուլտետի շրջանավարտը հպարտությամբ է նշում, որ համալսարանի շրջանավարտն է և ամեն օր փորձում է իր աշխատանքով բարձր պահել Խաչատուր Աբովյանի անունը կրող բարձրագույն կրթօջախի անունը:



# «Ողջ ծաղկաբույս քեզ, իմ 100-ամյա դպրանոց»

«Ուսուցիչ լինելը տիեզերական զգացողություն է, որովհետև Ուսուցիչ բառը կրել են Քրիստոսը, Մաշտոցը, Նարեկացին, Խաչատուր Աբովյանը, Աղայանը և տասնյակ հազարավոր մանկավարժներ, ուսուցիչներ, որոնք հասարակության կրթողն ու դաստիարակողն են եղել: Ե՛վ ուսուցիչները, և՛ ուսուցչապետը ամենալավ մասնագիտության կրողներն են»,-ասաց գեղանկարիչ, մանկավարժական գիտությունների դոկտոր, պրոֆեսոր Լեմա Ներսիսյանը, ով հերթական ցուցահանդեսն էր բացել Մանկավարժական համալսարանի ռեկտորատի սրահում՝ «Ողջ ծաղկաբույս քեզ, իմ 100-ամյա դպրանոց» խորագրով:

Մանկավարժական համալսարանի սրահում ծաղիկների ու գույների հրավառություն էր: Գեղանկարիչը հարազատ կրթօջախի հոբելյանը որոշել էր շնորհավորել իր ծաղկային կտավների միջոցով: Բուհ, ուր սուր է դնում արդեն 51 տարի: Քիչ էր ասել՝ Մանկավարժականի հետ կեսդարյան մտերմությունն ավելի քան առիճնող է, երկուստեք ջերմացնող զգացողություն:

48 ստեղծագործություն, որոնց մեջ բնության շոյող ժպիտներն են՝ արևածաղիկներ ու ջրաշուշաններ, երիցուկներ ու կակաչներ, ճարձատուկներ ու յուղածաղիկներ, ամոռուկներ ու... Լեմա Ներսիսյանը դրանք վրձնել է Լոռիում ու Սյունիքում, Աղավնաձորում ու Հայաստանի ամենաթաքուն, մուրթ անկյուններում: Նկարչի ծաղկե կտավներից աչք են շոյում Հայաստան աշխարհի դեղինն ու մանուշակագույնը, երկնագույնն ու վարդագույնը... Մի խոսքով՝ ծաղկաբույս՝ գույների փունջ, որ օրը լցրին գույնով ու տրամադրությամբ:

«Գունապնակը, որ բնորոշ է պրոֆեսոր Լեմա Ներսիսյանի վրձինն, այսօր ներկայանում է ծաղիկներով, որը ներկաներին հնարավորություն է տալիս այս մռայլ օրը ջերմամանու, գեղագիտական մոր երանգներ ստանալու: Համալսարանը, որն այս օրերին նշում է իր հիմնադրման 100-ամյակը, իրապես արժանի է նման բազմաթիվ, բազմապիսի, շքեղ, համեստ, նրբագեղ ծաղիկների»,-ասաց ռեկտոր Սրբուհի Գևորգյանը ընդգծելով, որ այս էլ որերող անգամ Լեմա Ներսիսյանը տրամադրություն է պարզում դասախոսներին և ուսանողներին: «Ցուցահանդեսը խորհրդանշական է՝ այն նվիրվում է 100-ամյա դպրանոցին, որում պրոֆեսորն արտահայտում է իր տրամադրությունը ծաղիկների միջոցով, փոխանցում իր հույզերի գունապնակը:

100-ամյա այս բուհն ունի բազմաթիվ ու բազմապիսի ուղղություններ, որտեղ Գեղարվեստական կրթության ֆակուլտետն ունի իր ուրույն տեղն ու վաստակը: Պրոֆեսորների միջոցով այստեղ ստեղծվել է մի միջավայր, որտեղ ուսանողն առաջին օրից այդ ջերմության, ճաշակի, տրամադրության և մասնագիտական բարձր որակների ձևավորման տիրույթում է գտնվում»,-ամփոփեց ռեկտորը:



Նա շնորհակալություն հայտնեց և շնորհավորեց գեղանկարչին՝ գույներ ու տրամադրություն պարզելու

և երկու շաբաթ դրանք ըմբռնվելու հնարավորություն ընձեռելու համար:

Բազմաթիվ են Լեմա Ներսիսյանի ստեղծագործությունների երկրպագուները, որոնցից մեկն է մաթեմատիկոս Համլետ Միքայելյանը,-ասաց թանգարանի տնօրեն Ալվարո Գրիգորյանը:

«Լեմա Ներսիսյանի հոգևոր աշխարհն ու իր ստեղծագործությունը չափազանց համահունչ են: Համեստությունն ու բարոյությունը, անկատ մնալու պահվածքը նրա ստեղծագործություններում նկատելի է: Գեղանկարչի էությունն ու ստեղծագործությունը միշտ հանդես են գալիս միախառնված ու միաձուլ»,-ասաց պրոֆեսորը՝ հավելելով, որ պրոֆեսոր Լեմա Ներսիսյանի գոյությունը մեր համալսարանին շատ է հարստացնում:

«Ողջեն 51 տարի ես այս բարձրագույն կրթօջախում եմ: Իմ գիտական, ստեղծագործական բոլոր հաջողություններին այստեղ եմ հասել. ոգևորվել եմ հայկական պետական մանկավարժական համալսարանում, ինչի համար շատ շնորհակալ եմ»:

Պրոֆեսորի խոսքն էլ պարզ ու զուսպ էր՝ առանց ավելորդ կաղապարների: Մանկավարժականի շրջանավարտը, որ արդեն տարիներ շարունակ ինքն է կրթում և ուսուցանում սերունդներին, տարիների հեռավոր գնահատում է այն միջավայրը, որտեղից սկսել է, բազմապատկել ստացածը և այսուհետև վերադարձնում է. վերադարձնում է շաշվ գույների ու տրամադրությունների հրավառությամբ:

Նայում են կարծես արևից սերված գույներին ու մտածում՝ գեղանկարչի տրամադրությունն է գույներ ստեղծել, թե՞ գույներն են ստեղծել տրամադրություն: Միևնույն է՝ երկու դեպքում էլ գույնն ու տրամադրությունը մեզ գեղեցիկ օր պարզեցին:

Շնորհակալություն, Վարպետ:

Սիլվա ԱՍՐՅԱՆ



## 1994-ի պարմական ծնունդը

«Այսօր մենք հայոց վերքի և արդար ընդվզումի մեծ երգչի ելել ենք ասելու, որ մենք նորածնվել ու ապրում ենք կրկին...»,- տարիներ առաջ երգվեցի ես ու երկրորդ անգամ, արդեն ոչ որպես աշակերտ, այլ որպես ուսուցիչ ոտք դրեցի ՀԳՄՀ հենակետային վարժարանի շեմից ներս՝ հարյուրամյա իմաստություն վաստակած բուհին ու երիտասարդ վարժարանիս հատուցելու տվածը, երախտագետ լինելու իմ առաքելությամբ:

Վարժարանի ծնունդի պատմական թվականը 1994-ն էր: Ես ու վարժարանը մույն տարիքին ենք, մույն թվի ծնունդ: Երևի դրա համար է նաև, որ ձեռք ձեռքի տված քայլում ենք արդեն տարիներ:

Պրոֆեսոր Ալեքսանդր Դուշյանը հիմնադրեց և 1994-1999 թթ. ղեկավարեց վարժարանը: 1999-2022 թթ. վարժարանի ղեկը մանկավարժական գիտությունների թեկնածու, դոցենտ Նաիրա Սաֆարյանի ձեռքում էր: Կրթության, մանկավարժության անխոնջ ու նվիրված աշխատանքի արդյունքում Նաիրա Սաֆարյանին 2022 թվականին վստահվեց ՀԳՄՀ ուսումնական գործընթացների հարցերով պրոռեկտորի պաշտոնը: Այժմ վարժարանի տնօրենի ժամանակավոր պաշտոնակատարն է Իրինա Գրիգորյանը:

Իմ սերնդակիցը հարյուրամյա մեր իմաստունի՝ մեր համալսարանի երիտասարդ զավակն է, որ կամրջում է պատահիներին մանկավարժ դարձնելու ճանապարհը: Այստեղ ցամաք սերմերը բարեբեր այգիների հիմք են դառնում: Ուրեմն 1994 թվականը բեղուն եղավ համալսարանի համար:

Լինելով հանրապետությունում բուհին կից տարբերակված ուսուցմամբ առաջին ավագ դպրոցը՝ մեր վարժարանը մշտապես ապահովել է կրթական այն մակարդակը, որն անհրաժեշտ է համալսարանը բանիմաց և բարձր առաջադիմությամբ դիմորդներով համալրելուն: 1994-1995 ուսումնական տարին վարժարանն սկսեց շուրջ 100 աշակերտով, 3 հոսքերով՝ հունամիտար (հայոց լեզու, անգլերեն և հայոց պատմություն), ֆիզմաթ (ֆիզիկա և մաթեմատիկա), բնագիտական (քիմիա և կենսաբանություն):

Տարիների ընթացքում դիմորդները մի քանի անգամ ավելացել են, իսկ պահանջարկը հիմք է դարձել վարժարանում

ներկայումս գործող մոր հոսքերի ստեղծմանը՝ հումանիտար (անգլերեն, հոգեբանություն, լրագրություն, պատմա-հասարակագիտական), բնագիտամաթեմատիկական (ֆիզմաթ), մշակութային (պարավեստի վճարովի լրացուցիչ կրթական ծառայություն, կերպարվեստ-դիզայն):

Այս տարիների ընթացքում վարժարանը համալսարանը մշտապես ապահովել է որակյալ կադրերով: Նա համալսարանի մանկավարժական պրակտիկաների կազմակերպման և անցկացման կարևոր հենակետ է: Այստեղ գիտահետազոտական, փորձարարական աշխատանքներ են կատարում ամբիոնների դասախոսները, ասպիրանտները, հայցորդները, ինչպես նաև մագիստրատուրայում սովորողները:

Վարժարանի հիմնադրման առաջին իսկ օրվանից այստեղ դասավանդում են բանիմաց և փորձառու ուսուցիչներ, մանկավարժական համալսարանի տարբեր ամբիոնների առաջատար դասախոսներ, դպրոցական դասագրքերի և ձեռնարկների հեղինակներ, տարիների փորձ ունեցող անվանի մանկավարժներ: Վերջիններիս հետ կողք կողքի աշխատում են երիտասարդ ուսուցիչներ, որոնց մաս են կազմում նաև վարժարանի նախկին շրջանավարտները: Կադրային ճիշտ քաղաքականությունը զվիավոր լծակն է վարժարանում կրթության բարձր արդյունքների ապահովման: Վկայությունը վերջին երկու տարիների ընթացքում «ուսուցիչների կամավոր ատեստավորմանը» մասնակցած մանկավարժների գրանցած բարձր արդյունքն է: Վարժարանական 13 ուսուցչի պետությունը հավելավճար կարամադրի:

Իր գոյության ավելի քան 28 տարիների ընթացքում վարժարանն ունեցել է շուրջ 2600 շրջանավարտ, որոնց գերակշռող մասը ընդունվել է բուհեր, 2000-ը՝ Մանկավարժական համալսարան: Վարժարանի շրջանավարտներից 43-ը տարբեր մասնագիտությունների գծով գիտությունների թեկնածուներ են, որոնցից 8-ը աշխատում են ՀԳՄՀ-ի տարբեր ամբիոններում:

Վարժարանի սովորողներն օգտվում են ժամանակակից լաբորատորիաներից, գրադարանից, միջոցառումների դահլիճից, իսկ համալսարանի ուսխորհրդի հետ համատեղ պարբերաբար կազմակերպվող միջոցառումները հնարավորություն են տալիս սերտացնել շփումն ու համագործակցությունը ուսանողների և աշակերտների միջև:

2019-2021 թթ.-ին վարժարանի շենքը հիմնադրոգվել է: Այն ունի առարկայական լաբորատորիաներ, որոնք հագեցած են համապատասխան գույքով, ուսումնական պարագաներով: Չնայած երիտասարդ տարիքին՝ վարժարանի տարիների վաստակը վկայում է այն շարունակելու է ծառայել իր պետությանը՝ հայրենիքին տալով նվիրյալ, ազատատենչ, հողի գինն իմացող, գրչով, խելքով, հարկ եղած դեպքում՝ զենքով պատերազմներ հաղթող սերունդներ:

Վանուհի ԲՎՐԱՄՅԱՆ  
Հայոց լեզվի և գրականության ուսուցչուհի

## Մանկավարժական ինձ սովորեցրեց երազել

Ես Սարգսյան Սվետլանան եմ, սովորում եմ Մանկավարժական համալսարանի Կրթության հոգեբանության և սոցիոլոգիայի ֆակուլտետի «Սոցիալական մանկավարժություն» մասնագիտության մագիստրատուրայի 2-րդ կուրսում:

Այս տարի լրանում է իմ հարազատ համալսարանի 100-ամյակը. սա մեր բոլորի համար առանձնահատուկ տոն է, որովհետև մենք մի մասնիկն ենք այս պատմական ժամանակահատվածի: Եթե ինձ հարցնեն, թե ինչ է տվել և տալիս Մանկավարժական ինձ, կասեմ՝ մանկավարժական ինձ սովորեցրեց երազել. ես այստեղ կեսկազմա՝ եթե երազում ես որևէ բանի մասին, անպայման այն կատարվում է: Երազանքներս ու նպատակներս մշտապես կապված են եղել ուսման հետ, հետևաբար դրանց կատարման գործընթացում ինձ օգնել են արդեն շատ հարազատ դարձած դասախոսները, ֆակուլտետի անձնակազմը, և, իհարկե, բուհի ղեկավար կազմը:

Մանկավարժական համալսարանում լավագույն դասախոսներն են, որոնց շնորհիվ ուսանողները ձեռք են բերում այնպիսի կարողություններ և հմտություններ, որ բուհն ավարտում են որպես պետության համար պիտանի ու որակյալ մասնագետներ:

100-ամյա բուհն ինձ հնարավորություն տվեց ճանաչելու ինքս ինձ. դա թեևս ամենաբարդ պրոցեսն է յուրաքանչյուրի կյանքում, բուհի պատերի ներսում ես սովորեցի կիսել դիմացինի ցավն ու ապրումները, ձեռք բերեցի հիմնական ընկերներ ուսանողական խորհրդի շնորհիվ, այնուհետև նաև ղեկավարեցի ֆակուլտետի ուսանողական խորհուրդը:

Ուսանողական խորհրդի նախագահի գործառնություններն առավել լայն են. դա հարյուրավոր ուսանողների հետ շփվելու, նրանց խնդիրներին ծանոթանալու և դրանց մասին բարձրաձայնելու, նաև աջակցելու հնարավորություն էր:

Համալսարանի Գիտական խորհրդի անդամ լինելն ինձ համար մեծ պատիվ է: Ես մասնակցում եմ Գիտական խորհրդի նիստերին, իմանում բուհի խնդիրների ու ընդունված որոշումների մասին: Դա նշանակում է՝ ես էլ պատասխանատվություն եմ կրում համալսարանի կարևոր քայլերի, նրա ներկա և ապագա զարգացումների համար:

Միթե իմ համալսարան, դու միշտ լինելու ես ամենահարազատ, ամենավաղ կրթօջախն ինձ համար, որտեղից միշտ դուրս եմ գալու բանիմաց և կիրք մանկավարժներ, ովքեր կրթելու են խելացի սերունդներ:

Սվետլանա ԱՐԳՍՅԱՆ  
Կրթության հոգեբանության և սոցիոլոգիայի ֆակուլտետի մագիստրատուրայի 2-րդ կուրսի ուսանողուհի

Գրանցման վկայական՝ 01U00184 տրված է 26.03.2008 թ. Հասցեն՝ Տիգրան Մեծի 17, հեռ. 59-70-97:  
Էլ. փոստ՝ Newspaperasp.am, asryansilva@gmail.com  
Տպագրված է «Տիգրան Մեծ» հրատարակչության տպագրատանը:  
Հասցեն՝ Արշակունյաց 2  
Տպաբանակը՝ 1800 օրինակ: Ծավալը՝ 2 տպ. մամուլ

Թերթի նյութերի արտատպումներն առանց խմբագրության համաձայնության արգելվում է: Հղումը պարտադիր է: Թերթը տարածվում է անվճար:  
Հանձնված է տպագրության 1.11.2022 թ.  
Թերթը կարող եք կարդալ ՀԳՄՀ կայքում՝ www.aspu.am

Գլխավոր խմբագիր՝  
Սիլվա ԱՐՅԱՆ  
Բանասիրական գիտությունների թեկնածու  
Էջաղուրմը՝ Պետրոս ՎՐՂԱՆՅԱՆԻ  
Համարի պատասխանատու՝ Սիլվա ԱՐՅԱՆ